

EDEN WA SATHANA



A hi khongeleni. Xikwembu lexi rhandzekaka, ha Ku khensa vusiku lebyi hikokwalaho ka xinkadyana lexi xa kahle, kuva hi ta nakambe eVitweni ra Hosi Yesu, ku ta hlangana na nala wa hina, nala wa Wena, ehandle lahawani ensin'wini ya nyimpi; na Rito, ku ta n'wi hlongolela ekule a suka exikarhini ka vanhu va Wena; leswaku va nga ha vona, evusikwini lebyi, Hosi, Rivoni ra Evhangel. Ndza khongela leswaku U ta tota mahlo ya hina hi murhi wa mahlo, leswaku ya nga ha pfulekela Ntiyiso; leswaku loko hi huma lahawani, hi nga ha vula etimbilwini ta hina hi ku, "Xana timbilu ta hina a tintshwanga endzeni ka hina loko A ha vulavula na hina endleleni?" Hanyisa vavabyi ni lava va xanisekaka. Tiyisisa lava va tsaneke. Tlakusela ehenhla mavoko lawa ya heleke matimba lawa ya nga tshama ya nembelela ehansi. Leswaku hi nga ha languta ku Vuya ka Hosi Yesu, laha hi pfumelaka leswaku ku kusuhi swinene. Ha swi kombela leswi hi Vito ra Yesu. Amen.

Mi nga tshamisa.

² Ndzi ta ringeta ku komisa madyambu lawa, hikuva ndza switiva leswaku votala va huma eka miganga yo hambana ya tiko, ku...hikokwalaho ka xikhongelo; kumbe mi sala, van'wana va n'wina, leswaku mi ta kota ku tlhela mi vuyelela, kumbexani hi ndlela yo endlela leswaku mi vuya. Nakona ndza mi khensa. Mixo lowu a ndzi lavile ku yingisela Makwerhu Neville, hi vumina. Kutani ndza n'wi twa minkarhi yo tala, kutani a ndzi kalanga ndzi n'wi twa nkarhi wun'wana handle ka kuva ndzi n'wi amukerile. Kambe mixo lowu, eka hungu lero ra nkarhi, ndza switiva leswaku ndzi fambisiwile hi Hosi kuva ndzi ri yingiserile lero mixo lowu. Ri kahle ngopfu! Kutani ndza swivona leswaku hikokwalaho ka yini n'wina vanhu mi tsakela ku ta mi ta n'wi yingisela, nakambe. Kutani minkarhi yo tala u ta mi endlela swa kahle, ndzi na ntiyiso, loko mi n'wi yingisela.

³ A ndzi ri eku ringeteni ka ku khoma swin'wana swa minkonaniso ya mina namuntlha; mixo lowu na ni nhlikanhi lowu. Ndza ha ri na yo tala, yo tala, yo tala ku yi famba. Nakona ndzi...

⁴ Tani hilaha, ndzi pfumelaka, akuri Yetro a nga byela Muxe nkarhi wun'wana, a ku, "Swi tele ngopfu eka wena." Swingaleswi, hi ni vamakwavo vo tala lahawani hi swiphiquho swa wena. Kutani un'wana na un'wana wa vona a tswariwile hi nawu, nakona a kuri na swilo swa kahle leswi a va fanele ku swi hlayisa. Kutani ndzi ta tiyisisa mufundhisi wa hina, kumbe

Makwerhu Mann, ni vaministara lavan'wana va ri Pfumelo lahawani. Mi nga ha ya eka vona. Va ta mi byela swo fana leswi mi nga swi endlaka; hi vanhu van'wana, vana va vona; ku teka ehandle, kumbe swilo leswi swi nga hoxeka. Kutani vavanuna lava va nga mi pfuna ntsena ku fanana tani—tani hi un'wana wa vona, hikuva i malandza ya Krete. Kutani yanani eka vona, nakona ndzi na ntiyiso wa leswaku va—va ta mi nyika ku pfuniwa loku mi ku lavaka. A ndzi nga ngheni eka vona hinkwavo. Ku ni votala ngopfu, hinkwako laha mi nga yaka kona. Ntsena va tshamela ro tlakuka va ya ehnhla nale henhla, ma swi vona. Kutani loko—loko mi lava ku kuma un'we wa vona, kambe a mi nge swikoti. Kambe ndzi tshamela ro khongela leswaku Xikwembu, hi ndlela yin'wana, xi ta mi tirhela swona kahle.

⁵ Sweswi, vusiku lebyi, hi lava kuya eMatsalweni, kutani hi hlaya xiphemu xa Matsalwa lawa ya humaka eka Genesa, ndzimana ya vu3; nakona ntsena kuri ku kongomisa endzhaku swintsongo eka swilo swin'wana leswi a hi vulavula ha swona, eka minkarhi leyi nga hundza, kutani hi vona loko Hosi Yesu a ta hi nyika swo tala nyana swa leswi hi nga switivaka loko hi huma. Ndza khongela—khongela leswaku U ta swi endl.

E nyoka a yi tlula hi mano e swiharhi hinkwaswo swa tiko leswi Hosi Xikwembu a nga swi endl. Kutani yi ku ka wansati, Kunene, Xikwembu xi te, Mi nga tshuki mi dya murhi ni wun'we wa tanga?

Kambe wansati a ku ka nyoka, Hi nga dya mihandzu ya mirhi ya ntanga:

Ntsena loko yi ri mihandzu ya muri lowu nge xikarhi ka ntanga, Xikwembu xi te, Mi ngaka mi nga dyi, ni ku khumbha mi nga yi khumbhi, leswaku mi nga ta fa.

Kutani nyoka yi ku wansati, Loko ku ri ku fa mi ngaka mi nga fi:

Kambe Xikwembu xi tiva leswaku siku mi nga ta dya, mahlo ya n'wina ma ta pfuleka, mi ta kotisa xikwembu, mi tiva swo saseka ni swo biha.

E wansati kute loko a vona leswaku murhi a wu nandihla, ni leswaku wu navetisa mahlo, ni leswaku wu navetisa ku tlhariha, a kha mihandzu ya wona, a dya, a nyika ni nuna wa yena loyi a ri na yena; kutani a dya.

Kutani mahlo ya lavambirhi ma pfuleka, va tiva leswaku va tshama ntsena; kutani va rhungelela matluka ya nkuwa, va ti endlela tingwvu.

⁶ I ngaku Hosi yi nga engetela...minkateko ya Yona eku hlaiyiweni ka Rito ra Yona. Sweswi ndzi tsakela ku teka ntsalwa emadyambyini lawa, leri ri humaka eka sweswo,

ndzi ri vitana: *Eden Wa Sathana*. Nchumu wun'wana lowu wu nga vupfangiki ku wu vula, leswaku, *Eden Wa Sathana*. Wu tikomba wu fambelana, ni wun'wana wa madyambu ya Sonto, ndza pfumela, loko ndza ha vulavula na n'wina lahawani hi *Ku Ehleketa ka Nhluto Wa Munhu*, niku ringa ka munhu loyi a kwetsimaka.

⁷ Kutani nkarhi wun'wana tinhlamuselo nyana tona teti leti nga vupfangiki ti hi tisa eka swin'wana; ti hi endla leswaku hi dyondza, ni kuva ti mi veka eka ku hlaya Rito. Kutani sweswo hiswona ni lavaka leswaku hinkwayo nhlengeletano ya mina yi swi endla. "Munhu a ngaka a nga hanyi hi vuswa ntsena, kambe hi Rito rin'wana na rin'wana leri ri humaka enon'weni wa Xikwembu." Swingaleswi, hlayani Rito; mi Ri dyondza. Kutani mi Ri dyondza hi mahlo ya Xikwembu, ku mi nyika vutlharhi bya n'wina ku twisisa leswaku hi nga hanyisa ku yini eka siku leri ra namuntlha.

⁸ Sweswi ku rhelela ehansi, emadyambyini lawa, ntsena ku vulavula na n'wina, ku vula leswaku, "Kunene, ndzi nga ha endla *leswi* kumbe *sweswo*, . . ."

⁹ Ndzi tsakela ku vulavula na vanhu, tani hilaha ndzi tsakelaka hambi kuri ku tsakela ku famba na un'we wa n'wina vusiku lebyi. Ndzi . . . Xikwembu xa swi tiva leswaku walowo i ntiyiso. Ndzi ta tsakela ku famba na un'we wa n'wina ekaya, ni—ni kudya—kudya swakudya swa ni mixo na n'wina, ni—ni—ni kuva hi huma na n'wina hi ya hlota maxinjani mundzuku ni nhlikanhi, wa vona. Ndzi—ndzi tsakela ku endla sweswo, kambe ndzi—ndzi ngaka ndzi nga swikoti sweswo. Nakona ndzi navela kuya ekaya ntsena ku ya tshama ni vulavula na n'wina; hi tshama erikupakupeni endzhaku ka xikhongelo, ndzi vulavula na n'wina xinkadyana, ni vulavula na n'wina hi leswi swi pfunaka na hikokwalaho ka Xikwembu. Ndzi ta rhandza ku endla sweswo. Vavanuna ni vavasati n'wina mi nga lahawani; Xikwembu xa swi tiva leswaku ndzi tsakela ku endla sweswo, kambe ndzi ngaka ndzi nga swi endlile. Wa vona, ntsena ku ni nsusumeto walowo—walowo ni tshikelelo.

¹⁰ Kutani—kutani eka nguva leyi ya rhumbyana leyi hi hanyaka eka yona . . . Na mina ndzi ri munhu loyi a nga na rhumbyana, hi vumina. Namuntlha ndzi na miehleketo ya mina leyi yi nga endleriwa swin'wana, "Ntsena ndzi fanele ku swi endla," kutani mundzuku swi tava swi ri eka miliyoni wa timayili kusuka eka mina; swin'wana swi tsemekile endzeni kutani swi endla *leswi* na *sweswo*. Nakona mi ni nkarhi, lowu wu ringetaka ku veka vutlharhi bya n'wina kun'we.

¹¹ Kambe nchumu lowukulu ku va ndzi wu fikelela i ku chumayela Evhangeli eka Kereke, niku endla hinkwaswo leswi ndzi nga swikotaka ku tisa ku xixima eka Yesu Kreste eka siku leri, loko ndza hari lahawani emisaveni, ni nkarhi lowu

ndzi nga sala na wona emisaveni. Ndzi ta eku—eku ringeteni ka ku vula swin'wana eka n'wina leswi swi nga ta mi pfuna; swin'wana. Ndzi fike ndzi hlanya endzhaku kaloko ndzi tava ndzi yile ekaya mixo lowu. “Ndzi nga vula yini vusiku lebyi, Hosi, leswi nga pfunaka vanhu lava?”

¹² Eku yingiseleni ka hungu lero ra matimba emixweni lowo eka... Makwerhu Neville a nga hi tisela rona, ha... A ndzi ehleketa leswaku risasekile swinene, hilaha a nga swivula lahaya, “Dokodela u ta kambela xivangelo; kambe wanuna loyi a taka na pani leri ri teleke hi tinereta, u ta tlhava.” Swingaleswi a ndzi ehleketa sweswo leswaku hakunene i—i nhlamuselo nyana leyi yi kokaka rinoko. A ndzi ehleketa ha sweswo, “hi seramu, endzhaku kaloko xivangelo xi kamberiwile.” Swingaleswi walowo i nchumu wa kahle swinene.

¹³ Ndzi lavile ku vulavula swin'wana na n'wina, hi ku mi tisela swin'wana leswi nga ta mivoningela eka xitshembhiso xa Xikwembu xa nguva leyi. Wa vona? Swin'wana, swi ngari leswi un'wana a ri eka swona siku rin'wana, kambe swin'wana... nakona loko... Swilo swa vona swi kahle hinkwaswo; hinkwerhu hi kongomisa eka swilo sweswi. Kambe a ndzi ehleketa leswaku ndzi ta ringeta ku mi tisela swin'wana eka miehleketo ya n'wina, hi Matsalwa lawa ndzi ma tsaleke lahawani, lawa ya nga ta mi voningela, eku tiveni, ya mi endla socha ro antswa ensin'wini leyi mi nga eku lweleni ka yona sweswi; ku dyondza mano ya nala, leswaku mi nga ha kota ku sivelela swin'wana na swin'wana swi nga se mifikelela, wa vona. Walowo hi wona nchumu lowukulu, i ku dyondza ku—ku pfala phachisi leyi yi nga eka n'wina, tani hilaha mi nga ta kota hakona.

¹⁴ Sweswi, a hi languteni sweswi eka vukulu lebyi... eka timinetse tintongo, vukulu lebyi, vudyoho bya siku leri hi hanyaka eka rona. A ndzi pfumeli leswaku ku tshame kuva na siku leri ni nga tshama ni ri hlanya eka matimu... Ku vile ni masiku lawakulu ya nxaniseko, laha vana va Xikwembu va nga hoxiwa eka rifu hi voko rin'wana na rin'wana. Kambe ku vona vumbabva bya nala, a hi kalanga hi va na siku ro kotisa leri hi hanyaka eka rona sweswi. Ri ni vuxisi byo tala, siku ra vumbabva. Kutani loko ndzi vona sweswo, swi tisa leswi, leswaku, Mukreste u fanele kuva exikunwanini xa yena namuntlha ku tlula hilaha a nga tshama a va ha kona eka nguva yin'wana.

¹⁵ Sweswi, endzhaku emasikwini ya nxaniseko, wa Rhoma, eka Kereke; Mukreste u endla xihoxo, u yile eka arena kutani u vuye a phameriwa tinghala, kumbe swin'wana swo kotisa sweswo, loko va tava va n'wi kumile tani hiloko a ri Mukreste hikokwalaho ka vumbhoni bya yena. Kambe moya wa yena

wu ponisiwile, hikokwalaho ka kuva a tengile, loyi a nga riki mupfumeri wa xihunguki eka Xikwembu, kutani hi ku tsaka a lemelela vumbhoni bya yena hi ngati ya yena. Tani hilaha minsiha yi nga tshika, kumbe timbhovo emirini wa yena, kutani ngati yi halaka yi huma, a huwelela, hi ripfumelo ra ximfumo leri ri tshembhekeke, a ku, “Amukela moya wa mina, Hosi Yesu!”

¹⁶ Kambe, sweswi, vuxisi bya javulosi sweswi, byi endla vanhu leswaku va pfumela leswaku hi vona Vakreste kuveni a hi vona. Mhaka yi kwalaho. A wu fanelanga u lemelela. . . Hi—hi rona siku ra vuxisi swinene ku tlurisa leswi ri nga vaka xiswona, kutlula loko wa ha fanele ku lemelela vutomi bya—bya wena byi va ekule ni vumbhoni bya wena. Javulosi u vekele xirimhana xa vuxisi hinkwako laha a nga ku kota, ku. . . Hi yena muxisi. Nakona Yesu u hi byerile, eka Matewu 24, hilaha siku leri ri nga tava ha kona rona leri hi hanyaka eka rona, siku leri ri nga ra vumbabva swinene leri ku nga tshama ku hanyiwa eka rona, “swi tava ekusuhi swinene laha ku nga hambukisiwaka na Muhlawuriwa wa Xikwembu loko swi nga koteka eka yena ku hambukisiwa.”

¹⁷ Sweswi a hi pimanyiseni Matsalwa man’wana, kumbe vuprofeta lebyi ku nga vulavuriwa hi byona eBibeleni, bya namuntlha, hi byi pimanyisa ni siku leri hi hanyaka eka rona.

¹⁸ Eka Timotiya wa Vumbirhi 3, hi dyondza leswi, leswaku muprofeta u teri, leswaku, “Swi ta eku humeleleni eka masiku lawa, leswaku vanhu va tava lava nga yingisiki, lava tikurisaka, lava rhandzaka ku tiphina kutlula ku rhandza Xikwembu.” Swi pimanyiseni sweswo sweswi, ntsena xinkadyana. A hi nge swikoti. . . Ntsena hi ta swi hlamusela hi ku komisa, hikuva a hi na nkarhi wo tala wo nghena eka swona hinkwaswo tani hiloko hi nga swi teka hi vuenti; kambe ntsena hi ta swi tsemekanya kunene, kutani mi ta swivona loko mi fika ekaya mi swi dyondza. “Lava nga yingisiki, lava tikurisaka, lava rhandzaka ku tiphina kutlula ku rhandza Xikwembu; lava nga riki na ku tsetselela, valumbeti, lava nga tikotiki, lava vengaka lavanene.” “Swingaleswi Moya wu vulavurile hi ku tiyisisa leswaku swilo leswi swi tava emasikwini ya makumu.” Laha ku nga wona masiku lawa, lawa vuprofeta byi vulavulaka ha wona.

¹⁹ Kutani ha hlaya, nakambe, eka Nhluvutelo. . . 14, Nhluvutelo 3:14, kumbexani, hi Nguva ya Kereke ya Laodekiya, hilaha kereke yi nga tava hakona eka siku leri ro hetelela. Nakona ri tava tano, Yi teri, “Yi tava tani hi noni loyi a nga pfumaleki nchumu. Yi—yi fumile, ni nhundzu yo tala, kambe a va switivi leswaku va xisiwana, va ni khombo, va mupfumari, va bofu, a va ambalanga, nakona a va switivi.” Ku. . . Sweswi, tsundzukani, U le ku vulavuleni

na kereke ya nguva ya leyi, “u ni khombo, u bofu, a wu ambalanga, nakona a wu switivi.” Nhlamuselo ya leyo ya hetelela, Rito lero ro hetelela, hi rona ri endlaka leswaku swi hlamarisa swinene. Va ehleketa leswaku va tatiwile kahle hi Moya, hinkwavo ka vona va tilunghiserile. Nguva ya Kereke ya Laodekiya i Nguva ya Kereke ya Pentekostal, hikuva hi yona nguva ya kereke yo hetelela. Luther ari ni hungu ra yena; Wesley ari ni hungu ra yena; na Pentekosta a va ri na hungu ra vona.

²⁰ Nakambe, Yi teri, leswaku, “Kambe leswi u kufumelaka, u nga hisi kumbe ku titimela,” swendlo swa le handle, ku tatiwa ka miehleketo hi Evhangel; “hikuva,” U teri, “u hi ndlela yaleyo, Ndzi ta ku nhlata enon’weni wa Mina.” Hi marito man’wana, swi N’wi hlambisa timbilu loko a vona kereke yi ri eka xiyimo xexo.

²¹ Kutani, tsundzukani, va N’wi nhlatele ehandle; nakona U le handle ka kereke, a ringetaka ku tlhela a vuyela endzeni, eka Nguva ya leyo yi chavisaka ya Kereke ya Laodekiya.

²² Xikwembu nyana xa misava leyi namuntlha, munhu loyi a gandzeriwaka namuntlha wa misava leyi, i Sathana. Nakona vanhu va hunisa ku gandzela Sathana, kambe hi yena Sathana a ti encenyetaka yena n’winyi tani hi kereke, wa vona, tani hi kereke. Va gandzela Sathana, va ri karhi va ehleketa leswaku va gandzela Xikwembu kuya hi kereke, kambe i ndlela leyi Sathana a nga swi endlisa xiswona.

“Oho,” mi ri, “kambe yimani nyana; hi chumayela Rito.”

²³ Loko ndzi languta endzhaku lahawani eka tsalwa ra mina, madyambu lawa. Sathana hi un’wana loyi a nga chumayela Rito eka Evha, ro sungula, “Xikwembu xi vule tano,” wa vona.

²⁴ I ku onhiwa kwaloko ka xiphemu xexo xa Matsalwa lexi a xi ri xa siku. U ta mi tivisa hinkwaswo leswi nga endlwi hi Yesu leswaku a swi hetisekile kahle. U ta mi tivisa hinkwaswo leswi Muxe a nga swi endla leswaku a swi hetisekile kahle. Kambe loko mi teka switshembhiso leswi Va swi nyikeke swa siku leri, kutani Sweswo va swi tirhisa eka nguva yin’wana. Sweswo hi swona hinkwaswo a nga swi endlaka, wa vona, i kuva ku kumeka vanhu leswaku va Ri pfumela hi ndlela yaleyo, kutani sweswo—sweswo hi swona hinkwaswo. Hikuva, “A wu nge swikoti ku susa Rito rin’we eka Yona, kumbe ku engetela rito rin’we eka Yona.” Kambe sweswo hi leswi a swi endlaka.

²⁵ Vanhu, va gandzela Sathana hi ku hunisa, va ri karhi va ehleketa leswaku va gandzela Xikwembu; tani hilaha hi tshinyiweke hi vuprofeta, eka Vatesalonika va Vumbirhi. Leswaku, ntsena a hi yi hlaleni, Vatesalonika va Vumbirhi, ndzimana ya vu2. A hi yi kumeni nyana ntsena xinkadyana

lexi, loko ndzi nga swikota, hi ndlela ya kahle. Ndzi ta tsakela ku yi hlaya. Ntsena, ndza pfumela, Vatesalonika va Vumbirhi. Ndzi na wona Matsalwa lahawani. Eka va Vumbirhi . . .

Loko ti ri ta ku vuya ka Yesu, vamakwerhu, Hosi ya hina . . . ni ta ku hlengeletana ka hina na yena,

²⁶ Sweswi, wa vona, “ku vuya ka Hosi, niku hlengetana eka Yena,” tani hilaha Xikwembu xi nga ta hlengeleta vanhu va Xona va ya eka Yena emasikwini ya makumu. “Ku hlengeletana ka vanhu va ya eka Hosi,” kungari leswaku va ya eka kereke, “va ya eka Hosi; vahlengeletana kun’we eka Yena.”

Ha mi khongela, leswaku mi nga hatlisi mi tsekatekisiwa etimbilwini ta n’wina, niku . . . tshuka—tshuka, hambi hi moya, hambi hi . . . marito man’wana, hambi hi epistola yin’wana, leyi nga vuriwaka leswaku yi huma ka hina, swangi . . . hiloko siku ra Hosi ri ri kusuhi.

Mi nga tshuki mi xisiwa ni swintsongo hi munhu: siku lero ri ngaka ri nga ti, hikuwa swi fanele leswaku ku tlhelela endzhaku ku va kona ekusunguleni, niku humelela ka munhu wa xidyoho (“munhu wa xidyoho,” langutani leswaku i mani sweswi), niku humelela ka munhu wa xidyoho, n’wana wa ku lahleka, (yaloye akuri Yudas, wa vona);

La kanetaka ni la titlakuselaka henhla ka hinkwaswo leswi vuriwaka Xikwembu, ni leswi nkhinsameriwaka; a ko a tshamisa ku kota Xikwembu etempeleni ya Xikwembu, a ri kari a tivula Xikwembu.

²⁷ Byebye i vuxisi bya kereke ya namuntlha! Wa vona, “n’wana wa ku lahleka,” javulosi. “N’wana wa ku lahleka,” javulosi. Kutani, vanhu va gandzela Sathana eka siku leri, va ri karhi va ehleketa leswaku va gandzela Xikwembu. Kambe va n’wi gandzela hi mikhuva, tidinominexini leti nga endla hi munhu ni mikhuva leyi yi yisaka munhu ehansi eka vuxisi lebyikulu swinene lebyi misava yo ka yi nga se tshama yi byitiva. A swi khathaleki leswaku Rito ra Xikwembu leri ri tshembhisiweke ra siku leri, leswaku ri chumayeriwile ri tlhela ri tiyisisiwa hi vumbhoni, hambi swi ri tano a va Ri pfumeli. Va ngaka va nga Ri pfumeli.

²⁸ Kutani hikokwalaho ka yini? Ha hlamala leswaku hikokwalaho ka yini. Hikokwalaho ka yini swi ngari tano; hikokwalaho ka yini va nga Ri pfumeli xana? Loko Xikwembu xi teri Xi ta endla nchumu wun’wana, xi tlhela Xi wu endla, kutani hambi swi ri tano va ha wu fularhela va wu balekela. Ku kotisa Evha tani hilaha a swi tiva leswi swi nga vuriwa hi Xikwembu, leswaku Xikwembu xi ta swi endla; kambe u swi fularherile, ku yingisela eka leswi a nga ta swivula.

²⁹ Ntsena tsundzukani, eka tinguva tin'wana, a swi ri leswi a swi fana minkarhi hinkwayo. Eka nguva yin'wana na yin'wana, a swi ri hi ndlela yaleyo laha Sathana a ringetaka ku encenyeta Rito lero eka vona, a va endla va vona nguva yin'wana.

³⁰ Langutani, loko Yesu a ta, wa vona, Sathana a ri eka ntlawa walowo wa vadyondzisi va Mayuda, na varabi na vaprista, a ri karhi a ringeta ku va byela ku hlayisa nawu wa Muxe, loko Rito reriya ri nga tshama ri vula hi siku lero leswaku N'wana wa munhu u ta paluxiwa, wa vona, leswaku U ta ti paluxa yena N'winyi. Swingaleswi a vari eku ringeteni, ntsena tani hiloko va ti hlayisela vukhongeri bya vona, kutani eka nawu wa Muxe. Maswivona leswi a swi endleke xana? A ri eku ringeteni ka ku va byela, "Leswaku xiphemu xexo xa Rito xi lulamile hakunene, kambe Wanuna loyi a hi yena Munhu ya luya." Maswivona leswaku u na vuxisi njhani? Rero hi rona siku-nene ra vuxisi.

³¹ A swi ri tano, na sweswi swi tano, Sathana u le ku tumbuluxeni ka mfumo wa yena emisaveni. Xexo hi xona xivangelo xa kuva a endla sweswo, hikuva u lava ku ti endlela mfumo lowu wu nga wa yena.

³² Tani hi n'wamabindzu, loyi a nga riki Mukreste, u ta tirhela xikimi xin'wana na xin'wana lexi a nga xikotaka ku endlela leswaku n'wina mi vona swin'wana leswi swi nga hoxeka hi ndlela yin'wana. Loko a ri na—na xikongomelo niku vuyeriwa ka yena hikuva a mi endla mi endla sweswo, a mi endla leswaku mi swi vona hi ndlela yaleyo, u ta mi komba hinkwaswo leswi a nga swi kotaka, kutani a mi fambisela ekule ni ntiyiso wa kona, hikuva u na vutitwi bya yena a ri yexe. A swi na mhaka ni leswaku u hembisa ku yini niku xisetela, ni swin'wana swo tala, wa vuyeriwa yena n'winyi.

³³ Kutani xexo hi xona xivangelo xa kuva Sathana a endle leswi. Nakona u swi tirhile hi ministri ku swi endla, tani hilaha Xikwembu xi tshembhiseke leswaku u ta swi endla. Sweswi, u sungurile hi vuxisi bya vukhongeri e Eden, kutani wa ha ya emahlweni kusukela loko a sungurile.

³⁴ Kungari hi ku veka ntlawa wa makhomonisi. Makhomonisi ku hava lexi va nga xi endlaka ha leswi. Kova kereke, kwalaho hilaha mi fanelaka ku languta, wa vona. A hi—a hi makhomonisi lava va nga ta hambukisa na vona Vahlawuriwa. I kereke leyi yi nga ta hambukisa na vona Vahlawuriwa, wa vona. A hi makhomonisi; ha switiva leswaku va landzule Xikwembu, nakona hi vona antikreste, hakunene hi vona, hi nawu, kambe a *hi* vona antikreste. Antikreste i vukhongeri, byona vukhongeri byebyi, nakona hi nga ha tshaha Matsalwa, hi maendla Ya languteka ya ri erivaleni.

35 Tani hilaha Sathana a swi endleke lahaya emasunguleni, u tshahe hinkwaswo ehansi, “Xikwembu xi teri, ‘Mi nga tshuki mi dya murhi wihi na wihi wa ntanga.’” Wa vona, a Ri tshaha a ri humesa.

36 Wansati a ku, “Ina, hi nga ha dya mirhi hinkwayo ya ntanga, kambe ku ni murhi lowu wu nga exikarhi ka ntanga Xikwembu xi teri hi ngaka hi nga dyi, kutani, hambu kuri ku wu khumbha hi nga wu khumbhi; hikuva, siku hi swi endlaka, hi siku lero hi ta fa.”

37 A ku, “Oho, hakunene mi ngaka mi nga fi. Kambe u nge niku nyika xivangelo xa leswaku hikokwalaho ka yini Xikwembu xi vule leswi, swi hikokwalaho ka kuva...” Wa vona, u tiva yini xana? U tshahile Ntiyiso lowu, ma swi vona. Aku, “Wu ta pfula mahlo ya n’wina, nakona wu ta mi endla mi tiva swo saseka ni leswo biha. Mitava lava va kotisaka Xikwembu kwalaho, loko mi nga swi endla.”

38 Sweswo hi swona ntsena leswi a lavaka ku swi endla, kutani sweswo swa fana ni leswi a ringetaka ku swi endla namuntlha. Ku na vuxisi bya vukhongerani kusukela ekusunguleni e Eden, nakona bya hari kona kusukela byi sungurile. Enkarhini wa Adam, akuri ni vuxisi. Enkarhini wa Nowa, akuri ni vuxisi. Enkarhini wa Yesu, a swi fana. Na sweswi swa ha fana, hi ndlela yin’we, vuxisi bya vukhongerani!

39 Sweswi, hi ta tekela misava enhlokweni, loko ya hari hansi ka vulawuri bya Xikwembu. Sweswi, loko ya hari eka vulawuri bya Xikwembu... a yi ri ehansi ka vulawuri bya Xona. Kutani loko Sathana a tava a yi tekile, hi ku alela Rito ra Xikwembu. Xikwembu nkarhi wun’wana misava a yiri ehansi ka vulawuri bya Xona. Xi yi vekile hi obiti ya yona. Xi yi vekile, xi yi endla yi tirha. Xi endlile hinkwaswo, a yi ri eka vulawuri bya Xona. Sweswi sweswo hi ta swi pimanyisa endzhaku kaloko Sathana a yi tekile yi va eka vulawuri bya yena.

40 Sweswi, swi tekele Xikwembu ntsevu wa magidi ya malembe. A yi N’wi tekele ku leha kwaloko, kambe Xi teke ku leha kwaloko. Ntsevu wa magidi ya malembe, hikuva hi dyondzisiwile leswaku “siku rin’we eTilweni ri ringana na gidi ra malembe emisaveni,” nakona akuri ntsevu wa magidi wa malembe, kumbe masiku ya ntsevu lawa Xikwembu xi nga aka misava. Sweswi, swi tekela Xikwembu ntsevu wa magidi wa malembe ku yi tumbuluxa, xi yi byala timbewu ta kahle leswaku ti ta tswala hinkwaswo endzhaku ka muxaka wa tona. Xin’wana na xin’wana xi fanele ku humesa mbewu ya muxaka wa xona. Hinkwato timbewu ta Xona a tiri leta kahle, swingaleswi ti fanele ti tlhela ti ti tswala ti humesa muxaka wa tona hi toxe. Xikwembu xi tekile ntsevu wa magidi wa malembe.

⁴¹ Ekuheteleleni, loko Xi tava xi swi endlile hinkwaswo, kutani ekuheteleleni hi...ekuheteleleni xi vuye xi fika eka ntsindza wa xona, wa misava, eka xindhawani xo saseka lexi a xi ri evuhuma-dyambu bya Eden, lexi xi vitaniwaka ntanga wa Eden. Xikwembu xi endlerile misava ntsindza entangeni wa Eden, eEgipta, emakun'wini ya vuhuma-dyambu bya ntanga akuri na ntsindza.

⁴² Kutani eka xiyimo hinkwaxo, Xi vekile n'wana wa Xona na nsati wa n'wana wa Xona, ehenhleni ka swona hinkwaswo. Hi swona sweswo. Sweswo hi leswi Xikwembu xi swi endleke. Xi va vekile eka vulawuri lebyi byi hetisekeke. Va nga ha vulavula na mheho, kutani wu ta yima ku hunga. Va nga ha vulavula na murhi, kutani wu nga ha suka *lahawani* wu ya *lahaya*.

⁴³ Nghala na hlolwa swi dya kun'we, kutani xinyimpfana xi pavalale ehansi xi ri na swona. A kuri hava vubihi. A kuri na kurhula loku ku hetisekeke, ntwanano lowu hetisekeke, hinkwaswo swi ri leswi hetisekeke, nakona loko Xikwembu xa hari na swona eka vulawuri bya Xona. Kutani xiyisisani, a Xi ri na ya Xona...A Xi ri na misava ya Xona, a Xi ri na swona hinkwaswo swi ri karhi swi tirha. A Xi ri na hinkwaswo leswi a swi ta. Hinkwaswo swi dya rilabyana; kuri hava lexi xi faka, kuri hava lexi xi lovisaka, kuri hava lexi xi poyilaka. Kuri hava nchumu...A kova ntsena loku ku hetisekeke.

⁴⁴ Kutani eka yona hinkwayo, Xi vekile vana va Xona lava xi va rhandzaka, n'wana wa Xona wa n'wa nhwana na jaha ra Xona, nuna na nsati, ku yi lawula.

⁴⁵ Xikwembu a xi enerile! "Hiloko Xi wisa eka ntirho hinkwawo wa Xona, hi siku ra vunkombo," kutani xi hlawulekisa siku leri ra vunkombo ri va savata eka Xona.

⁴⁶ Hikuva, Xikwembu xi yi langutile hinkwayo ka yona, endzhaku kaloko Xi vile na ntsevu wa magidi wa malembe xi ri karhi xi yi vumba niku yi lulamisa, xi yi endla leswaku yi humelela; xi tlhela xi vekela tintshava ehenhla, ni ku endla tivholukheno leswaku ti sukumetela tintshava ehenhla, ni hinkwaswo leswi swi nga teka ndhawu eka ku buluka; swi vuya swi oma, kutani xi yi lunghisa hi ndlela leyi a Xi ri na yona. Kutani yi va ndhawu yo saseka.

⁴⁷ Akuri hava swin'wana swo fana na yona, tiparadayisi ta kahle ta Xikwembu! Na tidayinosorasi ta kahle, ni swin'wana swo tala, swikasakasa eka yona, ni swiharhi swa kahle; kuri hava ku vavisana eka swona. A swi ri khwatsi ntsena tani hiloko swi ri swimanga nyana leswi ntsongo. Swi ri hava nchumu; kuri hava—hava vuvabyi, kuri hava maxangu; kuri hava hambi xitsongwa-tsongwani xa vuvabyi emisaveni. Oho, a yi ri ndhawu ya njhani!

⁴⁸ Swinyenyana swa kahle swi ri karhi swi dewula kusuka eka nsinya wun'wana kuya eka wun'wana sinye, kutani

Adam a kota ku swi vitana hi mavito, nakona a swi ta hahela emakatleni ya yena kutani—kutani swi fika swi kukuluka eka yena. Kutani, oho, a yi ri ndhawu yo saseka njhani leyi Xikwembu a xiri na yona!

⁴⁹ Kutani xi endla xin'we lexi nga vuyimelo bya Xona kusukela eka Mirhi lowu Wu nga wa Xona. Xikwembu xi na vuyimelo bya xona eka Mirhi wa Xona.

⁵⁰ Kukotisa, n'wina mi vuyimelo bya tata wa n'wina. Kutani, mi swi xiyisisa, a mi ri eka kokwa wa kokwa wa kokwana wa n'wina. Kambe, eka sweswo, hi ri, hi ta yi teka kusukela ehansi ku fananisa wena na tata wa wena. Sweswi, a mi nga tivi nchumu loko ma hari eka tatana wa n'wina. Ximila xa vutomi xi huma eka wanuna. Wanuna u ni sele ya ngati; wansati u na—u na tandza; sweswi, swingaleswi, sele ya ngati yi na vutomi eka yona. Kutani, swingaleswi, loko mi ri eka tatana wa n'wina, kahle-kahle a mi tivi nchumu ha swona. Kambe, hambi swi ri tano, sayense na Rito ra Xikwembu swa khorwisa leswaku a mi ri eka tatana wa n'wina, kambe a mi tivi nchumu ha swona.

⁵¹ Kambe tatana u naverile ku mi tiva. Kutani hi vun'we bya ku tihlanganisa na manana, swingaleswi mi endliwe mi tiveka eka tatana. Sweswi, mi vuyimelo bya tata wa n'wina. Mi languteka ku kotisa yena, nakona mi ni swirho swa mirhi leswi swi kotisaka swa tata wa n'wina.

⁵² Sweswi, yaleyo hi yona ndlela leyi Xikwembu a xi ri hakona emasunguleni. N'wana un'wana na un'wana wa Xikwembu na nhwana na n'wana un'wana na un'wana wa xinuna wa Xikwembu a ri eka Xikwembu emasunguleni. A ma ha swi tsundzuki sweswi, kambe a mi ri kwalahaya. Xa swi tiva. Kutani Xi mi lava leswaku mi va kona leswaku Xi ta kota ku tihlanganisa na n'wina, xi vulavula na n'wina xi tlhela xi mi rhandza, ni ku tlhavula mavoko ya n'wina.

⁵³ Xana a mi ri lavi jaha leri ri nga ra n'wina... Xana riva ri ngari siku ra kahle loko jaha ra n'wina ri vuya ekaya ri fika ri tshama etafuleni xana? Loko a vuya enyimpini, kumbe eka swin'wana, u chuhwile; hilaha mi nga ta lulamisa hakona swakudya swa ni nhlikanhi; mi ta dlaya rhole ro nona, kumbe swin'wana leswi nga va ka kona, mi lulamisela yena! I nyama ya n'wina ni ngati ya n'wina, nakona a ri eka n'wina. A mi nga n'wi tivi ekusunguleni, kambe a mi swi tiva leswaku u kona.

⁵⁴ Swingaleswi na Xikwembu xi swi tivile leswaku hi tava lahawani, kambe Xi hi vekile enyameni leswaku hi ta kota ku va ni vuhlanganisi. Leswaku Xi ta kota ku ti hlanganisa, Xi vile un'wana wa hina loko xi tava Xi vile Yesu Krete, N'wana wa Xikwembu yena hi Yexe, ku hetiseka ka ku tikombisa ka Xikwembu. Swingaleswi sweswo a kuri xikongomelo xa Xikwembu, ku ta kombisa vuyimelo bya Xona eka xinakuloby.

⁵⁵ Loko na hari eka tata wa mina, a ndzi nga tivi nchumu ha swona. Kambe loko ni tava ni vile jaha ra yena ni kuva ni tswariwa hi yena, a ndzi ri vuyimeri, xiphemu xa tatana wa mina. Na n'wina mi xiphemu xa tata wa n'wina.

⁵⁶ Kutani tani hi vana va Xikwembu, hi xiphemu xa vuyimeri bya Xikwembu lexi a xi ri eka Xona, xi endliwa nyama tani hiloko Xi ti endlile nyama, leswaku hi nga ha kota ku va na xinakulobye eka un'wana na un'wana, tani hi ndyangu wa Xikwembu ehenhla ka misava. Kutani xexo a xi ri xikongomelo xa Xikwembu ekusunguleni. Ina, nkulukumba. Sweswo hi leswi Xikwembu xi nga swi lava ekusunguleni.

⁵⁷ Hinkwaswo a swi ri ehansi ka vulawuri bya Xona. Kutani Xi ngenisa munhu entangeni wa Eden, leswaku a va mulanguteri la tshunxekeke; xi ku, "Jaha, i wa wena."

⁵⁸ A yi ri ndhawu yo saseka njhani! Xikwembu a xi enerile, kukondza laha Xi tlhelelaka endzhaku xi ya ti wisela eka ntirho wa Xona hinkwawo. Nsinya wun'wana na wun'wana a wu kalanga wu tswala mitwa na mahlwehlwe. Kuhava tichuguru leti a ti hume eka nsinya wa mutwa. Hinkwaswo a swi tshamisekile. Timbewu hinkwato a titshamisekile. Hinkwaswo a swi ri eka xiyimo lexi tshamisekeke.

⁵⁹ Kutani loko Xi tava xi yile kuya wisa nyana, nala wa Xona u rhetemukile a nghena na vuxisi, a fika a wu teka, hi mahlamuselele lawa ya nga hoxeka ya nongonoko wa Xona eka vana va Xona. Loko, Xi tava xi vekile ku tshembha eka vana Lava va nga va Xona; tani hiloko u veka ku tshembha eka n'wana wa wena wa xisati loko a huma a famba na wanuna ni vusiku; loko u veka ku tshembha eka jaha ra wena loko a fanele ku famba na mufana loyi a nwaka kumbe mufana loyi a zahaka. Wa vona, Xi vekile ku tshembha eka jaha ra Xona, leswaku a ngaka a nga endli nchumu lexi xi hoxekeke, nakona u ta hlayisa Rito rin'wana na rin'wana leri Xi ri vulaka. Kambe nala u rhetemukile a nghena; tani hi xirhetisi xexo xa grisi lexi xi nga tekaka n'wana wa wena wa wanhwana a tlhela a va ni mahanyelo yo biha yena hi yexe; kumbe—kumbe wansati un'wana loyi a nga ha tekaka, jaha ra wena a jikajika na rona, a ri ni leswi swi fanaka. Wa vona, u rhetemukile a nghena. Nala wa Xikwembu u rhetemukile a nghena a fika a nga ri hlamuseli swona Rito eka Evha.

⁶⁰ Sweswi, yena, hikokwalaho ka kuva ka yena, u vuye a wu teka kutani a fuma ntanga wa Eden, yena hi yexe. U wu tekile. Kutani sweswi u na ntsevu wa magidi ya malembe ya nawu wa vuxisi; u le ku xiseteleni ka vanhu, vana va Xikwembu, tani hilaha a endleke ha kona. Hikuva, va le ka vulawuri lebyi byi nga bya vona bya nchucheko, ku endla hilaha va rhandzaka ha kona. Va ri karhi va pfumela leswaku va ni maendlelo ya kahle, kutani va tile ni maendlelo lawa

ya hoxekeke, niku xavisa timfanelo ta vona to tswariwa, tani hilaha Esau a swi endleke, eka misava. Kutani Sathana u yi winile, kutani a yi teka. Nakona u vile na ntsevu wa magidi ya malembe yo aka Eden wa yena, tani hilaha Xikwembu a xi ri na ntsevu wa magidi wa malembe yo tshuneta Eden wa Xona ekusuhi. Kutani hi vuxisi, vuxisi bya Rito, kumbe bya vanhu, byi endlile Eden wa yena n'winyi eka misava leyi, evudyohweni.

⁶¹ Eden wa Xikwembu wu endlwile eku lulameni. Eden wa Sathana wu endlwile evudyohweni, hikuva Sathana i vudyoho. Xikwembu i ku lulama, kutani mfumo wa Xikwembu wu endlwile eku lulameni, niku rhula, ni Vutomi. Kutani ku endla ka Sathana i kale vudyohweni, ni vukhongeri bya vudyoho.

⁶² Langutisani hilaha a nga va na vuxisi hakona, vuxisi bya yena, tani hilaha a nga swi vula leswaku u ta swi endla. U swi tshembhisile leswaku u ta swi endla leswi. Xana un'wana na un'wana wa switiva sweswo xana? A hi pfuleni eka Esaya, loko mi lava ya n'wana ya Matsalwa lawa. Loko mi. . . A ndzi ehleketa ku tshaha hi vunyingi bya wona, ndza pfumela. A hi pfuleni eka Esaya ka ndzimana ya vu14, ntsena xinkadyana, nakona ntsena hi vona leswi Sathana a nga swi vula lahawani, ntsena xinkadyana. Eka Esaya 14, hi ta yi hlanya, nakona hi vona leswaku nakulorhi loyi u endle yini. Esaya 14, hi sungula hi vhesa ya vu12.

U wise ku yini matilweni, O Lusifa, n'wana wa vurhonga! U wise ku yini ehansi, wena muweri wa matiko!

U kanela embilwini ya wena, u ku ndzi ta khandziya ehenhla, ndzi tlakusa xiluvelo xa mina ehenhla ka tinyeleti (valava i vana), tinyeleti ta Xikwembu: ndzi tshamisa entshaveni ya nhlengeletano, . . . emakun'wini ya n'walungu:

Ndzi ta tlhandluka ehenhla ka mapapa; ndzi ko ndzi fana ni muungameri la Tlakukeke.

⁶³ Sweswi swi pimaniseni sweswo lahawani ni Matsalwa man'wana ya hina lawa ya nga eka Vatesalonika, eka xinkadyana lexi nga hundza, hilaha a nga te, "U tshamile etempeleni ya Xikwembu, la kanetaka ni la titlakuselaka ehenhla ka hinkwaswo leswi vuriwaka hi Xikwembu, a ko a tshamisa kukota Xikwembu agandzeriwa ku kota Xikwembu ehenhleni ka misava."

⁶⁴ Ku ni xikwembu xa misava leyi lexi ni nga chumayela ha xona eka Sonto lowu wu nga hundza. Namuntlha hi loyi lahawani hi vuxisi, eka awara yaleyo yo xenga, nkarhi walowo lowukulu wu chavisaka hi hanyaka eka wona. I nkarhi lowu wu dzunisiwaka ngopfu eka tinguva hinkwato, hikuva hi langutanani na Miliniyamu leyikulu nakambe;

hi langutananile na Eden nakambe. Kambe eka leyi nguva, hinkwabyo vuxisi ni mano hinkwawo lawa a nga tshama a ma tirhisa ni hilaha a nga kota ku hambukisa ha wona, u mahlengeletile kun'we a titiyisa yena hi yexe; a xikela ehansi kukota Xikwembu, a tlhela a ti veka endhawini ya Xikwembu hi yexe; vukhongeri, nakona a nga ha tshaha Matsalwa niku mi byela hi Matsalwa, tani hilaha Sathana a swi endleke eka Evha entangeni wa Eden. Kambe a siya xindhawani xa Rona, hiswona hinkwaswo a swi endlaka, ku endla vangwa lero, laha phoyizeni ya dyondzo ya javulosi yi nga ta halakela kona, tani hi ku ehleketa ka Nhluto wa munhu lexi a hi vulavula ha xona vusiku byin'wana.

⁶⁵ Sweswi, u ri u ta ti tlakusela eHenhla yena hi yexe; u ta tlhandlukela ehenhleri ka mapapa na tinyeleti, kutani u ta tshamisa kwalahaya ku kotisa Xikwembu, ni kuva eHenhla ka hinkwaswo. Nakona u humelerile hikuva a humesela ehandle rito ra yena ro songela. Nkarhi wun'wana u vile niku humelela loku ka kahle hi ku humesela rito ra yena lero songela, hikuva vanhu va n'wi pfumelela a ri hlamuselela etlhelu, eka nguva yin'wana na yin'wana, ntikelo wa Rito ra Xikwembu ra xitshembhiso eka nguva yaleyo. Sweswo hi swona leswi a swi endliseke xi swona. Eka nguva yin'wana na yin'wana, u Ri hlamuselele etlhelu.

⁶⁶ Emasikwini ya Nowa, u hlamusele leswaku swi ngaka swi nga endleki leswaku ku ngava na mpfula yo huma etilweni, hikuva, “kuhava mpfula ehenhla lahaya.” Hi yona evhangelile leyikulu ya sayense leyi a nga yi chumayela entangeni wa Eden! A nga ha duvula switurumente en'wetini niku khorwisa leswaku kuhava ndzhongho ehenhla kwalahaya. Kambe Xikwembu xi teri kutava na mpfula. Kambe Sathana u humelerile, a onha miehleketo ya vanhu, hi vulavisisi bya xisayense, leswaku, “swi ngaka swi nga endleki.” Kambe swi endlekile. Xikwembu xi teri swi ta endleka, nakona swi endlekile. Xi swi endlile.

⁶⁷ Sweswi, emasikwini ya—ya Yesu, u endlile swo fana. U onhe miehleketo ya vona nakambe hi vuxisi, wa vona, hi ku hlamusela Rito hi ndlela yo hoxeka. “Loko U ri N'wana wa Xikwembu, u nge ndzi ku vona U endla swin'wana ha swona.”

⁶⁸ Yesu a nga kalanga a n'wi endlile miharihari. A nga kalanga a swi endla. Xikwembu a hi xa miharihari. A xi fanelanga ku hlamula swin'wana na swin'wana leswi Sathana a swi vutisaka. Ntsena Xi ni... Yesu u teri, “Ku tsariwile, ‘Leswaku a wu nge hanyi hi... Munhu a ngaka a nga hanyi hi vuswa ntsena, kambe u ta hanya hi Marito hinkwawo lawa ya humaka enon'weni wa Xikwembu.’” Wa vona, a Xi nga fanelanga xi va na miharihari, eka yena. A Xi nga fanelanga

xi endla vuswa. A Xi tava xi byi endlile, kambe a Xi ri eku yingiseni ka javulosi, swingaleswi a Xi kalanga xi n'wi yingisela javulosi.

⁶⁹ Nakambe i vudyoho bya vukhongeri, tani hi laha a byi ri emasunguleni, a byi ri vuxisi swinene. Byi languteni sweswi. A kova vudyoho lebyi byi tengeke bya khale bya masiku hinkwawo, bya vuoswi ni vudakwa, ni ku tirhisa Vito ra Tatana eka swa hava. Sweswo a hi swona. Ee.

⁷⁰ Matsundzuka eka malembe yo hlanya lawa ya nga hundza, votala va n'wina lahawani, n'wina swidyuhati, ma wu tsundzuka nchumayelo lowu ndzi nga wu chumayela, hi, *Ku Nyumisiwa Eku Avanyisiweni*. Muoswi, a ngeyi eku nyumisiweni lahayaya. U tiva laha a yaka kona. Swidakwa a swi ngeyi eku nyumisiweni lahayaya. Xilovekelo, mubindzurisi, muhembu, muyivi, a ngayi eku nyumisiweni lahayaya. Kambe, munhu yaloye a ehleketaka leswaku hi lonene, kutava niku nyumisiwa.

⁷¹ Yaloye i nakulorhi, a nge, a taku a ku, "Hosi, a ndzi chumayelanga Evhangelu xana, xana a ndzi hlongolanga madimona, hi Vito ra Wena xana?"

⁷² Yesu a ku, "Sukani n'wina . . . eka Mina, n'wina vaendli va leswo biha. A Ndzi kalanga ndzi mi tiva." Ku na ku nyumisiwa, wa vona, byebyo i vumbabva.

⁷³ Sweswo hi swona swi endlaka ni nga ninginiki . . . sweswo hi swona swi endlaka ni nga twisiseki. Kungari leswaku ni lava kuva lahambaneke. A ndzi kali ndzi lava ku hambana, kambe ndzi fanele ku tshembheka. Ndzi na Hungu, nakona Leri ri fanelaka kuya evanhwini. Swi endla leswaku swi nga twisiseki exikarhini ka vanhu. Va ehleketa leswaku ndzi lwisana na un'wana na un'wana. Ntsena va tiva leswaku, ndzi wa un'wana na un'wana, nakona ndzi le ku ringeteni swinene kuva tisela leswi nga Ntiyiso, tani hilaha wu nga vekiswa embilwini ya mina ni hi ndlela leyi wu nga vekisiwa xiswona eBibeleni lahawani. Nakona Xikwembu xa swi khorwisa leswaku sweswo i Ntiyiso, swingaleswi kuhava swin'wana leswi nga endlwaka ha wona. Swingaleswi, va fanele ku Wu langutisa, kumbe va nga wu langutisi.

⁷⁴ Wa vona, a va swilavi ku Wu vona, hikuva khale va wu xavisile, va xavisa timfanelo ta vona to tswariwa va xavisela nhlangano wun'wana, dinominexini yin'wana; leswaku yi ringeta timfanelo ta vona to tswariwa, leswaku va nghena eTilweni ehenhleri ka tshaku rin'wana ra vukhongeri lebyi nga kondleteriwa, laha Sathana a nga nhloko ya xin'wana na xin'wana xa byona. Xikwembu a xi kalanga xi va na vukhongeri lebyi nga kondleteriwa, a xi kalanga xi va na byona. Kutani va ti xavisela eka byona, laha vona, ntlawa wa vavanuna, va tolokelaka Rito va vula leswaku Ri vula *leswi* nakambe Ri vula *sweswo*.

⁷⁵ Xikwembu a xi kali xi lava toloki. Xa ti tolokela Xona N'winyi. A Xi kali xi lava un'wana a ta Xi byela leswaku swi endlisiwa ku yini. Xa tifuma xona N'winyi. Xi vurile leswaku Xi ta swi endlisa ku yini, nakona yaleyo hi yona ndlela leyi Xi hlaysaka Rito ra Xona. Loko Xi teri, "Masingita lawa ya ta endliswa hi lava va pfumelaka," Xi va xi vula sweswo ntsena. Hambi Xi nga vula yini swa humelela, Xi vule leswaku swi ta humelela eka masiku lawa yo hetelela, leswaku Xi ta endla swin'wana, nakona Xi swi endlile. A Xi kali xi vutisa munhu loko kuri nkarhi wa kona kumbe wu nga ri wona. Xi tiva nkarhi loko wuri wona, ni makungu ya kona.

⁷⁶ Sweswi, Sathana, mukanganyisi loyi, tani hi laha a nga vulavuriwa eka Matewu 24:24, ni vuxisi byo tala. Sweswi, sweswo hi swi kuma hi minongonoko ya evhangelu ya yena ya vutlharhi, dyondzo yo antswa, ku duma hi vunene, nhluvuko, ni kuya emahlweni, swi loyile vanhu lava va lavaka ku tirhela Xikwembu, hi ku pfumela vunwa bya yena.

⁷⁷ Evha a nga swi lavanga ku swi endla sweswo, kambe u n'wi kombe leswaku kuna vutlharhi byo tala eka byona. A nga swi tivi; u lavile ku swi tiva. A nga swi twisisi, kambe u lavile ku swi twisisa. Nakona Xikwembu xi n'wi byerile leswaku a nga ringeti ku twisisa.

⁷⁸ Xana ni nga swi twisisa njhani swin'wana swa swilo leswi xana? A ndzi va twisisi. Ndza va pfumela. A ndzi fanelanga kuva twisisa. Xikwembu i ripfumelo, kungari ku twisisa. Ntsena ho pfumela eka leswi A nga swivula.

⁷⁹ Sweswi, pimanyisani Eden wa Xikwembu eka wa Sathana sweswi, endzhaku ka ntsevu wa magidi ya malembe yo encenyeta ku hlamusela ka ntiyiso ka Rito ra Xikwembu ra xitshembhiso ra nguva. A hi swipimanyiseni sweswi, hi vona leswaku hi kuma yini. Tani hilaha a swi endleleke kereke hi—hi nkarhi wa Krete, eka Yesu, a ri karhi a ringeta ku tlherisela—ku tlherisela vana va Xikwembu vo tshembheka eka ku tiva Ntiyiso. Walowo wa Xikwembu. Xikwembu xi vekile vana va Xona lahawani, nhundzu ya Xona, leswaku va tava na xinakulobye na Xona hi ku yingisela Rito ra Xona.

⁸⁰ Ku nga humelela yini loko tata wa wena a ku byerile, nakona u ri jaha leri ri tshembhekeke eka tata wa wena, kutani a ku byerile aku, "Jaha, u nga tshuki u ya ematini lawa ya nga lahaya, u ya khida, hikuva kuni tingwenya eka mati lawaya"; kutani nakulorhi a vuya, a ku, "Hakunene, mati yo saseka kukutisa lawaya, ku hava tingwenya eka wona"? Swingaleswi i mani loyi u nga ta n'wi yingisa xana? Loko u ri jaha ra xiviri, u ta yingisa tata wa wena.

⁸¹ Kutani n'wana wa xiviri wa xinuna kumbe wa xisati wa Xikwembu u teka Rito ra Xikwembu kusungula. A ndzi na

mhaka ni leswaku un'wana u ri yini ha swona, va teka Rito ra Xikwembu kusungula. "Ku na chefu ekhapini," nakona va swi pfumela.

⁸² Hi ku va na ripfumelo eka hinkwaro Rito ra Xona, Timbewu ta Xona, ti tisa Eden la kwetsimaka, rirhandzu, ni Vutomi lebyi nga Heriki. Sweswo hi leswi Eden wa Xikwembu wu swi tswalaka, ku kwetsima. Kutani ku tisa Eden wo kwetsima, wa rirhandzu, kutwisisa, ku hetiseka, ni Vutomi lebyi nga Heriki. Sweswo hi leswi Xikwembu xi swi byalaka, Rito ra Xona, Mbewu ya Xona. Sweswo hi leswi Kereke ya Xona yi nga tava xiswona emakun'wini; Yi tava yi ri leyi yi fanaka.

⁸³ Xiyisisani, hi leyi mianakanyo. Mi nga yi rivali. Ndzi ta nghena eka yona nkarhi wun'wana kumbe eka Hungu rin'wana. Kambe, maswitiva, Xikwembu xi teri, "Mbewu yin'wana ni yin'wana a yi tswali muxaka wa yona." Xana i nawu wa Xikwembu walowo xana? Sweswi hi swihi swa kahle eka muchumayeri un'wana na un'wana, kumbe un'wana, a ringetaka ku endla Rito lero leswaku ri vula swin'wana? Wa vona, Rito rin'wana na rin'wana ra Xikwembu i Mbewu. Yesu u vule tano, "Mbewu yi byariwile hi mubyali." Swingaleswi loko Marka 16 kuri Rito ra Xikwembu, ri ta tswala muxaka wa rona. Loko Malakiya 4 kuri Rito ra Xikwembu, ri ta tswala muxaka wa rona. Ni hinkwaswo switshembhiso leswin'wana swi boheka ku tswala muxaka wa swona.

⁸⁴ Maswivona, ma n'wi vona Sathana loko a huma lahawani a ti ncincile xiyimo ni mombo xana? U le ku ringeteni ka ku vula leswaku, "A hi Rona, a swi tano." Ma swi twisisa xana? [Nhlengeletano yi ku, "Amen."—Muhleri.] Wa vona, Sathana u ri, "Oho, Sweswo a hi swa siku leri. Sweswo, sweswo—sweswo i. . . Sweswo a swi ri swa nkarhi wun'wana. Sweswo, sweswo a swi vuli swona hambu kuri kuvula swona sweswo."

⁸⁵ "Mbewu yin'wana na yin'wana yi boheka ku tswala muxaka wa yona." Sweswo hi leswi Xikwembu xi nga wu endlisa xiswona Eden wa Xona. A hi swona xana? [Nhlengeletano yi ku, "Amen."—Muhleri.] Kutani lahawani hi leswi, sweswo hi leswi Xikwembu xi nga yi endlisa xiswona Kereke ya Xona, Rito rin'wana na rin'wana endzhaku ka muxaka wa Rona! "Munhu a ngaka a nga hanyi hi vuswa ntse, u ta hanya hi Rito rin'wana na rin'wana leri ri humaka enon'weni wa Xikwembu." Wa vona? Sathana, u ta teka swin'wana. Kambe Xikwembu xi teri, "Mbewu yin'wana na yin'wana endzhaku ka muxaka wa yona."

⁸⁶ Loko xitshembhiso xi teri, "Masingita lawa ya ta endlwa hi lava va pfumelaka."

⁸⁷ Sweswi kereke yi ri, "Joyina kereke. Bumabumela mikhuva ya kereke. Tiva swileriso swa kereke." Ku hava swo fana na sweswo eka Bible hinkwayo.

⁸⁸ Kambe Yesu u teri, “Masingita lawa ya ta endliwa hi lava va pfumelaka: hi Vito ra Mina va ta hlongola madimona; va ta vulavula hi tindzimi letintshwa; loko va nga khoma tinyoka, kumbe ku nwa leswi dlayaka, swi ngaka swi nga va endli nchumu; loko va tlhandleka mavoko eka lava va vabyaka, va ta hola.” I mani munhu un’wana loyi a alaka Sweswo xana? Wa vona?

⁸⁹ “Mbewu yin’wana na yin’wana a yi tswali muxaka wa yona.” Loko u ri mbewu ya Xikwembu, vuyimelo, n’wana wa Xikwembu, swingaleswi Rito ra Xikwembu ri byariwa eka wena. Wa vona? Kutani swingaleswi loko u twa Rito ra Xikwembu, “Nyimpfu ya Mina yi yingisa Rito ra Mina; muluveri va ngaka va nga n’wi landzeri.” Ma swi kuma xana? “Swingaleswi mbewu yin’wana na yin’wana yi tlhela yi titswala hi muxaka lowu wu nga wa yona.”

⁹⁰ Sweswi hi kuma leswaku, mbewu yin’wana na yin’wana yi tswala muxaka wa yona, ku hava rifu eka lontshwa...eka Eden yaloye. A ku ngevi na rifu eka Eden lontshwa. Wa vona, kuhava, ku hava nchumu handle ka ku kwetsima, ku tenga, ni Vutomi lebyi nga Heriki.

⁹¹ Sweswi, hi ku ka ku nga pfumeriwi eka hinkwaswo swa Rito ra Xikwembu, ku tisile mbewu leyi nga kwetsimangiki eka Eden wa Sathana. Sweswi hi le ku ngheneni laha Sathana a tekaka xiluvelo, tani hi antikreste, eka—eka Eden wa misava leyi, Eden wa vudyoho, vukhongeri lebyi encenyetiweke. A nga sungulanga hi ku, “Ndzi Sathana. Ndzi ntsumi leyikulu.” Ee, kungari hi sweswo, kambe ehenhleni ka ku encenyeta Rito ra Xikwembu. Kutani sweswo hi leswi a nga wu tisisa xiswona mfumo wa yena, eka nguva yin’wana na yin’wana. Kutani sweswi eka nguva leyi leyikulu ya vuxisi, u tilulamisele ku teka xiluvelo xa yena, hi vanhu va yena! U ti akerile yena hi yexe vutlharhi, a dyondzeka, Eden wa sayense; hi swona, swichumayeri swa sayense, kereke ya sayense, ntivo-vukhongeri bya sayense, swin’wana na swin’wana i swa sayense. Hinkwaswo swile ehnhleni ka vutivi. Kereke hinkwayo yi akiwe ehnhleni ka vutivi. A yi akiwanga ehnhleni ka ripfumelo.

⁹² Nkarhi wun’wana ni nghenile ni ya khoma nhlengeletano ekerekeni ya munhu. A yi ri odithoriyamu leyikulu evupela-dyambu. Wanuna wa kahle, nakona u arile swilo leswi a hi vulavula hi swona. Kambe hambi swi ri tano, wa ha ri...Ndza n’wi tsakela; wanuna wa kahle, mukhalabya. Loko nhlengeletano ya yena yi huma...Yi tshamisa kwalomu ka ntsevu wa magidi ya vanhu. Loko nhlengeletano ya yena yi huma, eka xikhongelo xa na nhlikanhi, kwalomu ka khume ntlhanu wa madzana, hinkwavo a va ri vanhu lava a va ambale kahle votlhariha. Ndzi tshamile kwalahaya ndzi va hlalela.

⁹³ U chumayerile nchumayelo wa kahle swinene, u swi endlile wanuna. Kutani u vutisile loko kuri na loyi a lavaka ku amukela Kreste; leswaku ntsena a va yimisi mavoko ya vona. Kutani kuhava na un'we loyi a nga yimisa voko ra yena. Kutani ekuheteleleni wansati u yimisile mavoko ra yena. A ku, "Hi swona, sweswi i Mukreste," kutani va n'wi lulamisela ku n'wi khuvula. Kutani loko a tava a humile... U katekisile n'wana, a khisa xihlangi nyana a xikhongelela, kutani a tshunxa tshungu.

⁹⁴ Loko nhlengeletano ya yena yi tava yi humile yi ya ehandle; hinkwavo va ri kahle, va ri va xikolo, vanhu vo dyondza. Kutani a ni yimile hi le tlhelo, kuta tlhavula voko ra wanuna ni ku n'wi navelela rivilo ra Xikwembu, tani hiloko a huma.

⁹⁵ Kutani loko ni tava ni swi endlile, lahawani hiloko ku nghena ntlawa wa mina endzeni. A va nga ta va pfumelela va nghena loko va yena va hari kwalahaya. Lahawani hiloko ku ta va mina, va ri eka switululu swa mavhilwa, switrechara, mabaji yo manya, va ri hlanyo, ni hinkwaswo. Ma ku vona ku hambana xana? Hi swona sweswo. Walowo i nchumu lowu ndzi vulavulaka ha wona, wa vona. Wa vona, hi swin'wana swo hambana.

⁹⁶ Loko, hi vutivi bya sayense mi nga ha endla *kutwisisa* ka Evhangelii, leswaku, n'wina, "loyi a pfumelaka eka Yesu Kreste a ngaka a nga avanyisiwi," wa vona.

⁹⁷ Kambe, "Masingita lawa ya ta endlwa hi lava va pfumelaka," wa vona, u hlulekile ku ngenisa Sweswo endzeni lahaya, wa vona. Yi pfumela eka Yesu Kreste, yi ponisiwile, loko masingita lawa ya landzelela mupfumeri.

⁹⁸ "Kutani loyi a yingisaka Rito ra Mina," kungari ntsena ku ri humesa, kungari ku Ri twa hi tindleve ta yena, kambe, "ku Ri twisisa." Un'wana na un'wana a nga Ri twa; ngwavavani yi nga Ri twa yi tlhela yi tshama yi ri ngwavavani; wa vona, xidakwa xi nga Ri twa; muhembu a nga Ri twa a tlhela a tshama a ha ri muhembu. Kambe, "Loyi a twisisaka Rito ra Mina, a pfumela eka Yena loyi a Ndzi rhumeke, u na vutomi lebyi nga Heriki." Kwalaho mi nga kona, wa vona.

⁹⁹ Nakona kuhava munhu loyi a nga swi endlaka sweswo handle kaloko Xikwembu xi n'wi hlalwuriwe ekusunguleni. Yesu u teri, "Ku hava munhu loyi a nga taka eka Mina, handle kaloko Tatana wa Mina a n'wi tshuneta, ni hinkwaswo leswi Tatana a nga Ndzi nyika swona swi ta ta eka Mina." Amen. I vuhosi hinkwabyo ni vutivi lebyo rhanga bya Xikwembu. Xi hanya xi ri xoxe nakona ku hava munhu loyi a nga Xi byelaka leswaku xi endla yini.

¹⁰⁰ Sweswi, hi ku ka kunga pfumeriwi, ku ngari na ku teka Rito ra Xikwembu hinkwaro, swi tisile mbewu ya ku ka ku ku nga ri na ripfumelo, leyi nga kwetsimiki, ya vudyoho, ya

rivengo, ni rifu leri nga Heriki rile ka vudyoho lebyi, bya nguva ya kereke ya tintlharhi. Ma swi khoma xana? Eka siku leri, loko misava hinkwayo ya hari ni vukhongeri! Mikale mi swi tiva sweswo xana? Leswaku misava hinkwayo yi ni vukhongeri. Nakona eka nguva leyi ya vukhongeri, tikereke letikulu eka khona yin'wana na yin'wana; hinkwaswo, hinkwaswo swi hetelela ka kuva Sathana a gandzeriwa. Hi leswi lahawani, kona kwala eBibeleni. Hi swona sweswo. Kutani eka vutlharhi lebyi, tiseminari ta ntivo-vukhongeri leti ti nga humesiwa hi munhu wa vutlharhi loyi a leteriweke eka mavulavulelo, leswi a nga swi endlaka, hi laha va wu endlaka ha kona nyanyuko wa vona; ni hinkwaswo tani hi ntivo-miehleketo, malembe manharhu na mune, yo tiva ku tirhana na miehleketo ya munhu. Wa vona, swi. . .

¹⁰¹ Moya wa Xikwembu a hi swin'wana leswi, wena, swi nga endlaka xikolo eka wena. Hi swin'wana leswi swi nga hlawuriwa eka wena, hi voko ra Xikwembu xa Matimba hinkwawo. Mintokoto ya wena yi ngaka yi nga endlwi xikolo kumbe yi dyondzisiwa eka wena. Wu lo hlawuriwa, hi voko ra Xikwembu ni vutivi lebyo rhanga bya Xikwembu, eka wena. Hi swona sweswo.

¹⁰² Sweswi, swi tisa Eden lowu lowukulu lowu va hanyaka eka wona sweswi, Eden wa kereke ya misava. Va hlanganyela kun'we sweswi eka Ecumenical Council leyikulu, nakona va ya ekuveni na kereke ya misava laha hinkwato ti nga ta ta ehansi ka nhloko yi ri yin'we, laha Sathana a nga ta ambexiwa harhi, ntsena ku fanana.

¹⁰³ Kutani ku huwelela ko hetisela ku le ku huweleleni, ku vutla Mutekiwa A nge se nghena eka sweswo. Loko o kumeka eka sweswo, u tava na mfungho wa xivandzani, ni kuva ekhombyeni, a ngaka a nga humi eka wona. Hi xona xivangelo xexo, yi ri, "Humani exikarhini xa vona, vanhu va Mina," wu nga se ya eka yena, wa vona. "Humani exikarhi ka vona, kutani mi va lava va ti aveke."

¹⁰⁴ Sweswi, rivengo ni rifu, niku hambanele Makumu na Xikwembu, swile ka Eden loyi; ku navela, thyaka, ku encenyeta, (njhani?) hi ku byala mbewu yo hoxeka.

¹⁰⁵ Swi ndzi tsundzuxa hi xivono lexi ndzi nga xi vona ndzi nga se hlangana na vanhu va Pentekostal, xa Wanuna yaloye a rhendzeleka na misava, a ambale swo basa. Mi ndzi twile loko ndzi xi vula minkarhi yo tala. Kutani ku ta un'wana hi le ndzhaku ka Yena, a ri karhi a byala mbewu leyi yi kanganyisaka.

¹⁰⁶ Kambe u yi winile erivaleni, eka Evha. . . entangeni wa Eden, hikuva Evha a navele xidyoho; ku navela ka Evha, ka xidyoho. Swingaleswi, loko Evha a navele vutivi, a byi ri xidyoho.

¹⁰⁷ Kutani loko hi navela vutivi, hi lava ti Ph.D., LL.D., i xidyoho ku endla sweswo. Sweswo i swi tatimente swa matimba, kambe walowo i Ntiyiso. A swi na mhaka leswaku swi na matimba ku fika kwihi, swi va swa ha ri Ntiyiso, wa vona. Ku navela vutivi, ku twisisa!

¹⁰⁸ Mhaka ya kona, i ku, namuntlha a hi le ku ringeteni ka ku tshamisisa Rito ra Xikwembu ri va etimbilwini ta vanhu. Hi le ku ringeteni ka ku ti tshamisisa hina hi hexe. Tikereke tile ku ringeteni ka ku tshamisisa dyondza ya kereke, eka mbilu ya munhu.

¹⁰⁹ Hi lerisiwile ku tshamisisa Rito ra Xikwembu. Paul u teri, “A ndzi tanga eka n’wina hi ku khorwisa ka marito ya vanhu, leswaku ripfumelo ra n’wina ri nga ha wisela eka vutivi bya vanhu; kambe ndzi ta eka n’wina hi matimba; niku kombisiwa ka Moya wo Kwetsima, leswaku ripfumelo ra n’wina ri nga ha wisela eka Xikwembu.” Kwalaho mi nga kona.

¹¹⁰ Vanhu va nge ti tshamisisi vona hi voxe. Ha swi kuma exikarhini ka... Mi nge Xikwembu xona xi endla swin’wana xi endlela munhu niku tlhela xi n’wi rhuma, mi kuma munhu un’wana na un’wana a ringeta ku swi encenyeta. Wa vona, va le ku ringeteni ka ku ti tshamisisa vona hi voxe. Munhu un’wana na un’wana, “Ndzi endle leswi. Mina, mina, ya mina, dinominexini ya mina, mina, leyi,” va ti tshamisisa vona hi voxe. Xana hi chumayela hi yini, hi hina kumbe hi Mfumo wa Xikwembu xana?

¹¹¹ Ku tshamisisa Rito ra Xikwembu. Cukumeta ku ka u nga pfumeri kutani u tshamisisa Mfumo wa Xikwembu eka timbilu ta vanhu. Nakona Mfumo wa Xikwembu wu ngaka wu nga tshamisisiwi etimbilwini ta vanhu handle kaloko Xikwembu xi endlise munhu xisweswo. A ngaka a nga tshamisisiwi eka...

¹¹² Nakona, tsundzukani, xiphemu xa vuxisi swinene, lexi vanhu va ehleketaka leswaku xi kahle. Wa vona? “Kuni ndlela leyi yi langutekaka yi ri kahle evanhwini.” Xivumbiwa xin’wana na xin’wana lexi nga tlhariha xi languteka xi ri kahle.

¹¹³ Tani hilaha ni mi byeleke hakona eka Tinsota tintsongo leti nga hundza; loko ndzi tava ndzi yimile ekusuhi na n’wana wa mina loyi a ri ekufeni, kutani Sathana a yimile hi lahaya a ku, “Ku vile na tata wena, loyi a nga fela emavokweni ya wena madyambu man’wana. Hi luya nsati wa wena a nga etlela lahaya eka—eka yindlu ya vafi lava nga tiviwiki, nakona hi loyi n’wana wa wena wa famba. Nakona u Xi komberile leswaku xi hlamula, kutani Xi kokerile... Xi ku kokerile ndzhuti ehansi emahlweni ka wena. Sweswi, nakona hambi swi ri tano xa hari Xikwembu xa kahle, hambi leswi wa ha vulaka leswaku hi Xona Muhanyisi. Kutani wena, wa ha yime hi leswi u nga swivula leswaku swi kahle, u hoxile.” Oho, xivangelo xin’wana

na xin'wana, maendlelo man'wana na man'wana ya miehleketo ya fanele ku twanana leswaku hi swona; nakona a vula ntiyiso, walowo ngopfu.

¹¹⁴ Swingaleswi a vula ntiyiso loko a byele Evha leswaku, "Mahlo ya wena ya ta pfuleka, kutani u ta tiva swo saseka ni leswo biha. Nakona mi tava swikwembu, hi ndlela ya leyo, mi tiva swo saseka ni leswo biha," hikuva Xikwembu a xi va pfumelelanga leswaku va ti vona, leswaku a va ambalanga. Swingaleswi a va switiva leswaku va ta tiva swo saseka ni leswo biha; nakona a vula ntiyiso. Kambe, ma swi vona, a swi hambana na Rito ra Xikwembu.

¹¹⁵ Hi leswi swi endlaka hi vaministara eka tiseminari, vadyondza ntivo-vukhongerile byi nga endla hi munhu; byi nga ha tikomba byi ri kahle, byi nga hava byi ri kahle eka ku twisisa swilo, kambe byi hoxekile.

¹¹⁶ A hi fanelanga ku Ri twisisa. Ha Ri pfumela hikuva Xikwembu xi ri vurise xisweswo, nakona sweswo swa ri tshamisisa hilaha ku nga heriki. Nchumu hinkwawo, yaleyo hi yona ndlela ya ku Ri pfumela.

¹¹⁷ Oho, hilaha Evha a nga navela ha kona kuva na Ph.D., wa vona, hilaha a nga naverisa xiswona leswaku a nga antswa kutlula leswi a ri xiswona!

¹¹⁸ Xiyisisani hilaha a va fanisa xiswona, wanuna na nsati wa yena. . . Sweswi xiyisisani, wanuna na nsati, havumbirhi va nga ambalanga nchumu entangeni wa Eden, Eden wa Xikwembu.

¹¹⁹ Sweswi ndzi ya eku pfaleni. Ndzi teri ndzi ta mi khomeleta timinetse tintsongo. Langutisani, mi languta sweswi, tani hiloko hi pfala.

¹²⁰ Pimanyisani leswi sweswi, leswaku a va fana njhani wanuna na nsati wa yena, havumbirhi a Eden wa Xikwembu, kuri hava na swiambalo leswi swi rhunguweke eka vona, kutani va nga switivi. Hikokwalaho ka yini va nga switivanga xana? Hikuva a va funengetiwile eka vutitwi bya kuva va nga ambalanga, hi Nturhu wo Kwetsima, wa Moya wo Kwetsima. Va nga ha kota ku languta kahle eka un'wana, nakona a va switivanga leswaku a va ambalanga. A va funengetiwile hi Moya wo Kwetsima, wo hlawuleka. A va funengetiwile.

¹²¹ Nturhu wa Xikwembu, hambi namuntlha, hi nga ha languta kambe hi nga naveli. Va hundzuluxa tinhloko ta vona. I Nturhu lowu wu Kwetsimaka, wa vona, Nturhu lowu wu Kwetsimaka. Xikwembu a xi ri ni mahlo ya vona. . . a va ri ha vumbirhi, un'wana a ri wanuna loyi un'wana a ri wansati, nakona a va nga switivi leswaku a va ambalanga, hikuva ku kwetsima ka Xikwembu a ku tshama ku pfarile mahlo ya vona. Xiyisisani, Xikwembu xi tumbetile ripfalo ra vona eka vudyoho, hi Nturhu lowo Kwetsima.

¹²² Loko a hi ri na nkarhi wo famba eka sweswo, timinetse tintsongo. Langutani lahawani, “Tani hilaha yena, mugandzeri a nga ti hlantswa endzeni,” Vaheveru, “mugandzeri u ti hlantswile endzeni, a nga ha ri na ripfalo ra vudyoho.” Vudyoho byi hundzile eka yena.

¹²³ Ndzi twile Makwerhu Neville a ku, mixo walowu; un’wana a nga hava a n’wi vutisile leswaku hikokwalaho ka yini ni nga chumayelanga hi Moya wo Kwetsima, hikokwalaho ka yini ni nga endlanga *leswi*. Hi leswi lahawani. Moya wo Kwetsima i goza leri ri nga eka n’wina. I Vutomi, kungari nyanyuko; kungari maendlelo man’wana ya vumbhoni bya nyama. Kambe Wu Munhu, Yesu Krete, Rito ra Xikwembu leri nga tshamisisiwa etimbilwini ta n’wina, ku ta hatlisisa Rito rin’wana na rin’wana ra nguva leyi. Hi swona. Langutani Moya wo Kwetsima loko wu teka goza, kungari ngopfu-ngopfu eka ku kombisa; kambe, eka ku teka goza, hilaha Wu swi endlaka ku ya hi Rito.

¹²⁴ Xiyisisani Moya wo Kwetsima sweswi, wa Rito ra Xikwembu leri ri Kwetsimaka, leri a ri ri na wanuna na wansati va nga ambalanga nchumu, nakona va nga switivi. Byi saseke njhani, Vutomi bya Rito; Mbewu, Rito!

¹²⁵ Xikwembu xi teri, “Kuna murhi exikarhi ka ntanga, ku nga wansati. Kutani exikarhi ka ntanga kuna murhi lowu; mi nga tshuki mi wu khumbha. Hikuva, siku mi wu dyaka, hi siku lero mi ta fa.” A va funengetiwile hi ku kwetsima eka wona, a va nga tivi nchumu ha wona, mi nga ringeti ku wu khoma.

¹²⁶ A va funengetiwile hi ku kwetsima. A va hlayisekile eka vutshamo-vuhlaleri bya Xikwembu. A va hanya. A kuri hava rifu eka vona. Haleluya! A va ri ni rirhandzu leri hetisekeke un’wana eka un’wana, Vutomi lebyi hetisekeke hilaha ku nga heriki. A va ri ni rirhandzu leri hetisekeke, ku twisisa loku ku hetisekeke ka rirhandzu ra Xikwembu. A va ri na Rito ra Xikwembu, va tlhela va Ri hlayisa. Kutani a va hanya va tlhela va va lava va hlayisekeke eka Eden wa Xikwembu, ku ri hava rifu, eka hinkwaswo, hinkwako.

¹²⁷ Swingaleswi, Sathana u endlile leswaku Evha a yingisela evhangelu ya yena ya ntivo-vukhongeri, evhangelu ya vutivi, swikolo swa le henhla, ndhuma ya vunene, nhluvuko wo antswa, dyondzo ya le henhla, ni kuya emahlweni; swingaleswi loko a . . . tava a n’wi kumile leswaku a n’wi yingisela nyana xinkadyana, eka ku anakanya ka yena (laha hi nga lerisiwa leswaku hi ku cukumeta), loko a tava a n’wi kumile leswaku a swi yingisela.

¹²⁸ “Sweswi, langutani lahawani, kereke yi *so-na-so*. I khale yi ri kona. Hi va n’wana va tikereke ta khale etikweni. Leyi meyara wa doroba a yaka eka yona.” A ndzi na mhaka ni leswaku i yini,

wa vona. Loko swi lwisana na Rito ra Xikwembu, lwisana na swona. Yaloye i nala wa wena. Xin'wana na xin'wana lexi xi lwisanaka na Rito i nala wa wena.

¹²⁹ Xin'wana na xin'wana lexi nga xa Rito i makwenu wa wena. I xiphemu xa wena.

¹³⁰ Xiyisisani, u funungurile Nturhu lowo Kwetsima, ku vona leswaku timhaka ta masangu ti njhani hakunene; pimanyisani sweswo, hilaha ku navela hakunene ku nga endlaka nchumu. U susile Nturhu lowu awuri emahlweni ya yena, nchumu wo kwetsima lowu Xikwembu xi nga wu funengeta emahlweni ya yena. U lavile vutivi, ku tiva leswaku byi njhani; swingaleswi u funungurile Nturhu ku vona leswaku ku humelela yini. U yingiserile javulosi, kutani xiyisisani leswaku i ndhawu yihi laha a nga n'wi veka kona sweswi.

¹³¹ Va endlile swo fana eka nguva yin'wana na yin'wana leyi a yi landzela, minkarhi hinkwayo a va teka tlhelo ra vutlharhi; kutani sweswi va akile mfumo wa Sathana, vutivi, mbewu ya yena leyi a nga yi byala, yi tekile misava yi va Eden wa rifu.

¹³² Sweswi xiyisisani. Sweswi langutani eka Nhlabutelo 3, Nguva ya Kereke Ya Laodekiya. Mi ehleketa leswaku yi le miehleketsweni ya n'wina.

¹³³ Sweswi xiyisisani. Wansati, Evha, i hosikazi ya Sathana. Wa vona, Sathana, nyoka, hi yona yo rhang'a kuya eka Evha Adamu a nge si ya eka yena. Wa vona? Hi swona sweswo. Swingaleswi yi n'wi xisile, wa vona; swingaleswi Sathana, a nga nyoka, a ri nuna wa Evha Adamu a nge se switiva. Wa vona, u n'wi xisile. Biblele yi vula tano leswaku u swi endlile, nakona u swi tivile leswaku a nga ambalanga, kwalaho. Wa vona?

¹³⁴ Sweswi langutani eka—eka Nguva Ya Kereke Ya Laodekiya. Wansati, Evha, u tshamile tani hi hosikazi ya Sathana. “U fumile hi nhundzu ya misava; bofu, a nga ambalanga nakambe, nakona a nga switivi,” ntsena tani hilaha a swi ri xiswona eEden wa Xikwembu. Kambe sweswi, ku ngari hi leswaku Nturhu lowo Kwetsima a wuri exikandzeni xa yena, kambe i nturhu wo navela. Leswaku, u susile Nturhu wo Kwetsima wa Xikwembu, kutani a funengela nturhu wa vutivi, leswaku a ta navela. Kutani sweswi u na nturhu wo navela, hi leswaku i “bofu” eka wona kuva a dyoha. A nga “ambalanga” exitarateni, “nakona a nga switivi.” Hi yena ngwavavani exitarateni. Vavasati lava va nga ambala swo koma, emahlweni ka Xikwembu, i ngwavavani, “nakona a nga switivi.”

¹³⁵ Xiyisisani, tekani vavasati va ka hina. Sweswi, loko u lava ku vona xiyo mo xa kereke leswaku hi xihi, languta hi ndlela leyi vavasati va endlaka ha yona. Minkarhi hinkwayo va yimela kereke. E Eden wa Sathana, wa vudyoho ni kuka ku nga pfumeriwi, ku encenyeta ka vukhongeri; mfumo lowu

encenyetiweke. Ematshan'wini ya ku teka Rito ra Xikwembu, va tekile vutlharhi lebyi nga dyondza hi munhu. Nakona ematshan'wini ya ku teka Kereke, va teka nhlango, nakona va wu tisa eka nhloko yin'we leyikulu.

¹³⁶ Sweswi xiyisisani, ku encenyeta ko tenga. Swi nga mi hundzi leswi sweswi. Kereke yi amberile nturhu lowu wo navela. Xiyisisani leswaku wu endle yini eka yena. Wu—wu n'wi encenyetile kusuka eka ku tenga kuya eka vutivi. Wa vona? Nturhu lowo Kwetsima, a nga onhanga; hi nturhu wo navela, a ri ni vutivi. A switiva leswaku swa tsakisa. A tiva leswi byi endlaka swona, wa vona. I muhandzu, murhi lowu wu faneleke ku tsakeriwa, wu endla un'wana a tlhariha. Wa vona? U encenyetile kusuka eka ku lulama kuya eka vutivi, kusuka eka ku kwetsima kuya ethyakeni niku navela, nakona kusuka eka Vutomi kuya eka rifu.

¹³⁷ Mfumo lowu wu fanele ku fa. Mfumo lowu wu ta fa! Xikwembu xa Matilo xi ta wu herisa kusuka exikandzeni xa misava.

¹³⁸ Xiyisisani, eka ku encenyeta loku, kuta ku huma eka wanuna kuya eka wansati, niku suka eka wansati kuya eka wanuna, “nakona a va switivi.” Muhandzu wa kahle wa Eden wa Sathana, loko mi nga languta switarata namuntlha, eka vanhu va hina va ximanguwa lawa.

¹³⁹ Xiyisisani, a kuri Evha loyi Sathana a nga n'wi tirhisa ku endla Adam a dyoha hi matimba ya yena yo navela. Sweswi swa fana, ka ha endlwa swo fana na namuntlha. Xiyisisani, misisi leyi nga bobiwa, swikandza leswi nga penda pendiwa, swiambalo swa vugangu, wa vona, u endla sweswo, nakona a nga switivi leswaku xin'wana na xin'wana xa swilo leswi swi hambana na Rito ra Xikwembu. Ku kerha misisi ya yena, u ti endla a va wansati loyi a nga xiximekiki, ngwavavani. Ku ambala swo koma, swi n'wi endla leswaku a va na tingana. Ku va a ambala swiambalo swa vugangu, swi n'wi endla a va ngwavavani. “Nakona a nga switivi,” ku ngari hikwalaho ka ku kwetsima ka Xikwembu; hikokwalaho ka ku navela ka Sathana. U n'wi vangele. . . U vangerile Adam wa yena leswaku a n'wi navela.

¹⁴⁰ U hluvurile swiambalo leswi Xikwembu xi nga n'wi ambexa swona, endzhaku eEden, eka rendzo ra yena rale—rale mananga. U swi susile hinkwaswo. A swi hluvula hinkwaswo. Loko, Xikwembu xi n'wi ambexile nhlange ya yena hinkwayo; u sungurile ku susa hi swintsongo nkarhi wun'wana na wun'wana, sweswi u tlhelerile endzhaku laha a ri kona emasunguleni.

¹⁴¹ Sweswi u kotile Adamu wa yena leswaku a n'wi ambexa swiambalo swo rhangisa swa yena. Wanuna a ambala swo koma a languteka tani hi wasati, a huma lahawani, a

ndzi ehleketi leswaku kuna vanhu votala va yena. Hi yena lonkulu a langutekaka tani hi wansati tani hilaha ndzi tivaka hakona. Wa vona? Wa vona, u kumile Adamu wa yena langa encenyetiwa leswaku a va ni maendlelo ya yena, wa vona, a ambala swiambalo swo rhangisa swa yena. U swi vonile leswi a nga swi endlaka emahlweni loko a ta hlulula swiambalo swa yena kambe swi ri swiambalo leswo rhangisa. Sweswo hi leswo koma. Hikokwalaho, sweswo i swiambalo swo rhangisa swa wasati, kutani lahawani Adamu wa yena u ambala swona sweswi. Laha, kuya hi Rito ra Xikwembu ra xiviri, “I manyala loko wansati a ambala nguvu leyi yi yelenaka na ya wanuna, ni wanuna loyi a ambalaka nguvu leyi yi yelenaka ni ya wansati,” kusuka eka Rito ra xiviri. Ehleketani ha swona!

¹⁴² Sweswi, u ambala bangs ya yena yo kameriwa emahlweni, nakambe. U yi kamela ehansi, a vekela na swo songa-songa eka yona. Van’wana votala va languteka va vabya a ndzi se tshama ni swivona evuton’wini bya mina, ku na van’wana va vana lava va nga lahawani va nga endla bangs leyi nga kameriwa emahlweni ku kotisa *leswi*, yi tlhela yi pendiwa, misisi ya blichu, ni maendlelo ya muxaka wun’wana wa pherokusayidi wun’wana, kutani va blichu misisi ya vona, kutani va yi songa-songa yi va ya tikhele, va yi endla yi voyamela emahlweni. N’wina lavakulu vo hanya vusati! I swilo leswi swi chavisaka ku swi vula ephulphitini, kambe ku avanyisa ku sungula endlwini ya Xikwembu. A ma ha switivi hambu mi vavanuna kumbe mi va vavasati. Nakona ndza swi twisisa leswaku United States Army yi le kuteni kungari khale hi swo koma. Sweswo hi swona. Maswivona leswaku ku encenyeta i yini xana? I swiambalo swa wansati; a ambalaka bangs ya yena.

¹⁴³ Siku rin’wana a ndzi ri, eHoward Johnson; kungari leyi yi nga lahawani, kambe leyi yi nga epatwini leri ri yaka ehandle. Kutani ntsena a ndzi lo titshamela endzhaku ndzi tihlamalela. Lahawani hiloko ku ta xifanyetana, nomo wa xona wu pfulekile. Nakona a xi ri na misisi ya ntima *lahawani*, nakona yi kamiwe hi ndlela *leyi*; a vekela rolara eka yona, yi va na tikhele hinkwayo ka yona, ehenhla ka mahlo ya yena; loko ndzi languta ehenhla ka mahlo ya yena, hi ku rhendzeleka. Loko ndzi tshame ndzi vona ku encenyeta! Wa vona, a ngaka a nga swi pfumeli. A nga ha tikhorwisa leswaku kumbexani i waxinuna, kambe emoyeni wa yena i ri i waxisati. A nga switivi leswaku eka tlhelo ra yindlu u wela kwihi. Hi swona. I ku encenyeta ka njhani!

¹⁴⁴ Sweswo hi leswi Sathana a swi endlaka. U encenyeta matiko. U encenyeta kereke. U encenyeta vanhu. Hi yena muxisi, muencenyeti wa Ntiyiso wa xiviri.

¹⁴⁵ Xikwembu xi endlile wanuna leswaku a va wanuna. Xi endlile wansati leswaku a va wansati. Xi tlhela xi va

ambexa ku hambana, nakona a Xi vula leswaku va ta tshamisa xisweswo ni kuva ni maendlelo ya lawa; loyi un'wana i waxisati, kutani loyi un'wana i wa xinuna. Xi avile Adamu entangeni wa Eden, xi tlhela xi endla leswi, xi ava Evha eka yena.

¹⁴⁶ Sweswi u ambala tibangs ta yena; u kerhisa xileswi misisi ya yena, kutani u ringeta kuva ni ma ambalelo yo kotisa wansati. Wa vona? Wansati u ambala swiambalo swa yena swa le handle, kutani yena u ambala swiambalo swa wansati swa le ndzeni. Sweswi, sweswo swi twakala kuri ku sandza, kambe a ndzi swi vuli hi ndlela yona yaleyo. I Ntiyiso wa Evhangelileyi yi hetisekeke. Loko mi nga yi tivi, kutani ku ni swin'wana swi nga hoxeka ha n'wina; swi nga ha endleka mi ri mabofu kumbe mi nga se tshama mi va a switarateni. Kutani havumbirhi va ehleketa leswaku swi kahle, va kongoma kun'wana va ri swin'we.

Vavasati va ri, "Kunene, ku hisa ngopfu!"

¹⁴⁷ Va Apache Indians va khale ehandle lahaya va ta mi endla mi tikhomisa tingana n'wina hi n'wexe. Loko va kuma ku hisa loku ku nyanyeke, va bangisela swiambalo swo tala, leswaku dyambu ri nga va hisi; oho, swa julukisa, swingaleswi mi nga hava na air-conditioner tani hiloko va ha famba. Wa vona? Va yima va kongomana na dyambu.

¹⁴⁸ U ngaku u nga yimeli nchumu; u ta rhukubya u tlhela u tshwa. Kambe, maswivona, hi leswi mi swi vitanaka dyondzo ya le henhla. Sayense ya ximanguva lawa yi tswale leswi. Oho, mina! Lahaya wansati u tano, "a nga ambalanga," eka Laodekiya, "nakona a nga switivi."

¹⁴⁹ A nga ambalanga eEden. Ma yi vona leswaku mimfumo leyi yi mbirhi leswaku ya yelana xana? Wun'wana i wa vudyoho na rifu; lowu wun'wana i wa Vutomi niku lulama. Eka wona a funengetiwile hi Nturhu wo Kwetsima. Havumbirhi a va nga ambalanga; a va nga swi tivi. A va nga tivi nchumu ha swona, hikuva a va funengetiwile hi Moya wa Xikwembu.

¹⁵⁰ Kutani lahawani va ti funengetile hi ku navela, kutani va languta un'wana hi ku... Wa vona, Adam a swi kota ku languta Evha, kambe a nga switivi leswaku a nga ambalanga. Kambe sweswi hi nturhu wa yena wo navela, a nga swi voni leswaku a nga ambalanga, kambe u swi endla ehansi ka nturhu lowu wo navela ku endlela wanuna leswaku a n'wi languta. Hi swona swi ri swoxe leswi a nga swi endlaka. A mi swi pfumeli sweswo, kambe ma swi endla hi ndlela yin'wana, leswaku wanuna a mi languta. Kutani a kuma leswaku mi talele hi ku naveta, ku kondza a tshunela a teka swin'wana swa swiambalo swa n'wina a swi ambala.

¹⁵¹ Oho, i ku encenyeta ka njhani! I nguva yihi! I nkarhi wihi hi... Yi ni vuxisi bya njhani! Oho, hinkwaswo swilo leswi,

“nakona a mi switivi,” moya lowu wu hetisekeke wo encenyeta wu le ka wanuna. U funengetiwile hi ku navela ka Sathana, na yena wansati, u tano. I moya wa sathana eka vaaki hi vukulu. Wa vona, a va switivi, kambe hi vona nhlango. Vavasati na swo koma va nga swiambala, i va nhlango. Ni wanuna loyi a nga ambarisa xisweswo, u le ka nhlango. Ndzi ta mi nyika ntsemekanyo wa wona, B.S.S., Big Sister Society, swingaleswi kwalaho hilaha va ngenaka kona. Loko va huma kwalahaya, vava va ri vaaki lavakulu va xisati, niku ti penda-penda nyana ka vona, lavakulu lava va langutekaka va bihile, swin’wana swo languteka swi thyakile. Ndzi—ndzi. . .

¹⁵² Vanhu, sweswi mi nga hambana na mina eka leswi, kambe i Ntiyiso walowo. Mi encenyetile nakona a mi switivi. A mi tano, mi nga havi na wona maendlelo ya vavanuna nakambe. Wa vona, mi ta hi ku olova; nakona, vana va vona vaxinuna, a va nge he pfuki va ve nchumu eka vona; vavanuna, na vavasati, na vona. I vaaki. Kuna nhlango. Hikokwalaho ka yini? “John, wa mukhelwana, u ambala swo koma, swingaleswi mina ke? Luella u lava leswaku ni swi ambala hikuva John wa swi ambala, hala ka makhelwani. Nakona, kunene, loko—loko Susie Jane a swi ambala, kutani na Martha Jane a nga swi ambala, kumbe Susie Lou,” hambi ku nga hava kuri mani, wa vona. Wa vona, i vaaki. I nhlango. Ximoya xa n’wina xi wela eka wona, nakona a mi swi tivi.

¹⁵³ Kutani loko sweswo swi ri xisweswo, nakona hi swivonisa xisweswo, swingaleswi mi pfalekile mahlo. Mi pfalekile mahlo eka tidinominexini leti Sathana a nga mi jikisela eka tona. Nakona i ku encenyeta ka Rito ra Xikwembu ra xiviri, na Mfumo wa Xona, ni makungu ya Xona eka vana va Xona. Sathana u jikiserile vavanuna na vavasati eka swilo leswi, nakona a va swi tivi. Leswi nga encenyetiwa!

¹⁵⁴ A nga hari n’wana wa Xikwembu! Bangs yi le ku nembeleleni ehansi exikandzeni xa yena, na pherhe ya swo koma leyi nga ambariwa, mi ri karhi mi tincinca-ncinca exitarateni; n’wana wa Xikwembu, mudiyakoni ekerekeni, mufundhisi ephulphutini? Ee, yaloye a hi n’wana wa Xikwembu. A nga kalanga a ta hi Xihluto lexi ehleketaka hi Xikwembu. A ngaka a nga vi ni swiambalo swa vavasati emirini; hakunene a ngevi na swona; hambi wansati kuva a ambarile swiambalo swa wanuna. Wa vona, a hi n’wana wa Xikwembu. I n’wana wa xinuna wa Sathana, na n’wana wa xisati wa Sathana. I swilo swo tika ku swi vula!

¹⁵⁵ Sathana u humelerile hi ku encenyeta niku teka misava leyi, kutani a yi endla mfumo wa yena; leyi munhu a nga vekiwa eka yona, hi ku teka goza leri tshunxekeke ra vunene, kuva va ti hlalulela vona hi voxe eka muxaka wa vutomi lebyi va byi tsakelaka. Nakona sweswo swi kombisa leswi swi nga

embilwini ya n'wina. Wa vona? Rito ra n'wina... Ma swi tiva leswaku i yini? Swendlo swa n'wina swi vulavula swi rhasa, swi tshuneta rito ra n'wina. A haa!

¹⁵⁶ Mi nge ndzi ya eka wanuna. Mi ri, “Oho, ndzi... Hi va Kreste hi hinkwerhu. Hi nghena kereke.” Na tistripteases ti ri karhi ti nembelela ehofisini ya yena? Haa! A swi kali swi hambana ni leswi a nga ndzi byela swona, ndzi ta tiva ku antswa; xikan'we na n'wina.

¹⁵⁷ U nge wansati a ku hi yena Mukreste, na misisi leyi ntsongo? A haa! U tiva ku antswa kutlula kwalaho, wa vona. Ina, nkulukumba. N'wi tshiki a ti vula leswaku i Mukreste, a ri karhi a ti penda-penda niku ti phontsha, ni swo koma, nakona a ha tivula Mukreste? U tiva ku antswa kutlula sweswo. Rito ra Xikwembu ri dyondzisa ku antswa kutlula sweswo. Rito ri ri a ngaka a nga swi endli a tlhela a va a hari Mukreste. Hambi kuri ku xiximeka a nga xiximeki, ni swin'wana. Xana swi nga endlekisa ku yini leswaku Xikwembu xi ya xi ya vekela nchumu lowu wu nga xiximekiki eka mfumo wa Xona xana? Ee, nkulukumba, swi ngaka swi nga endleki. Ee, nkulukumba. Vona hi voxwe, va kombisa ku tsakela ka vona.

¹⁵⁸ A wu ngeri kumi tuva ri dya na hwati, swi ngaka swi nga endleki. Tuva ri hava nyongwa. Ri ngaka ri nga dyi nyama yaleyo ya khale yo bola. Loko ri nga tshuka ri yi luma, yi ta ri dlaya, nakona wa switiva. Kambe hwati a nga dya hinkwaswo leswi a swi lavaka. Wa vona? U na nyongwa yo tala.

¹⁵⁹ Swingaleswi u kuma leswaku, yaleyo hi yona ndlela leyi yi nga na misava namuntlha, swo fana, “A va ambalanga, i mabofu, nakona a va switivi.”

¹⁶⁰ Sathana u swi endlile hi ku navela ka wansati vutivi, bya timhaka ta masangu, laha a nga hlalwula hi ku hlalwula loku ku nga ka yena. Sweswi xiyisisani, i Evha loyi a yiseke Adamu laha ku nga hoxeka, nakona i wansati la nga rhanga a hlulula swiambalo swa yena Adamu a nge se hlulula swa yena. Wa vona? I wansati, minkarhi hinkwayo. Swi tano minkarhi hinkwayo. Hambi swi ri tano swa ha fana.

¹⁶¹ I kereke leyi pepetsekiseke munhu. I kereke, wa vona, leyi yi fambisaka munhu loyi a lavaka kuva n'wana wa Xikwembu. Hi yona wansati, kereke. Kungari Bibele, Xikwembu, hikuva Bibele i munhu. Oho, ina, “Rito ri endlile nyama,” nakona A ri Munhu. Wa vona? Bibele i munhu; kereke i wansati. Wa vona? A hi kereke... Bibele leyi nga pepetsekisa munhu. I kereke leyi nga n'wi pepetsekisa. I kereke leyi a nga famba na yona yi nga ambalanga, kungari Bibele. Wa vona? Ee, hakunene. Bibele yi n'wi byela leswaku a nga ambalanga. Ina, nkulukumba.

¹⁶² Sweswi xiyisisani leswaku njhani, hi timhaka ta masangu, u naverile timhaka ta masangu, u naverile vutivi, ku tiva leswaku *leswi* i ncini, nakona njhani, loko muhandzu lowu wu ri kahle kumbe wu ngari kahle. Kutani u swi endlile.

¹⁶³ Xikwembu xi ta wu teka siku rin'wana, hambi swi ri tano, hi Wanuna. Wu tinyikerile hi wansati. Kambe wu kutsuriwile hi Wanuna; Wanuna, Yesu Krete, loyi a nga Rito.

¹⁶⁴ Nakona wu ncini? Xiyisisani, hi ku pfala. Lahawani kungari khale ngopfu, ndzi endlile xitatimente lexi. A ndzi ri na kwalomu ka mune kumbe ntlhanu yo engetela wa mapapila kwalahaya, kambe ndzi...ya Matsalwa na swin'wana leswi a ndzi lava ku kongomisa eka wona. Kambe, yingisani. A hi pfaleni, hi ku vula leswi.

¹⁶⁵ Tsundzukani, kwalahawani ku ngari khale ngopfu, a ndzi ri eku mi dyondziseni hi Nkombo wa Timhalamhala, nkhuvu wa timhalamhala, ni kuya emahlweni. Kutani, ndzi teri, "Ku ni siku ra vunhungu ra festivhali." Swingaleswi, siku ra vunkombo ri tava ro hetelela, leri ri nga tava Miliniyamu. Kambe kuna festivhali ya siku ra vunhungu; laha, loko kuri ra vunhungu, nakona kuri na masiku ya nkombo ntsena, ri ta endliwa ri va ro sungula nakambe, ri tlhela ri vuya ku tava siku ro sungula. Kutani, endzhaku kaloko Miliniyamu yi herile, kutani ku tava na Eden lowu wu nga ta endliwa nakambe. Mfumo lowukulu wa Xikwembu wu ta tekiwa wu tlhela wu vuya. Hikuva, Yesu u wu lwerile eka Sathana, entangeni wa Getsemani, kutani a tlhela a wina Eden; laha, A nga ya eku wu lulamiseni eTilweni, u ta tlhela a vuya nakambe, a huma ehenhla eTilweni. U teri, "Timbilu ta n'wina ti nga kanakani."

¹⁶⁶ Loko A ha ri lahawani emisaveni, U teri, "N'wina, n'wina Vayuda, mi pfumerile eka Xikwembu. Sweswi, Ndza switiva leswaku Ndzi na vito ro biha," A ku. "Nakona va ri ni *leswi*, *swin'wana*. Kambe, u pfumerile eka Xikwembu; nakona tani hilaha u nga pfumela eka Xikwembu, pfumela nale ka Mina." A ri Xikwembu, lexi xi tikombiseke. Wa vona? "Pfumelani nale..."

¹⁶⁷ "Endlwini ya Tatana wa mina vu..." Kumbe, "Eka ikhonomi ya Tatana wa Mina, eka tiplani ta Tatana wa Mina ku ni swigotlo swotala. Ndzi ya lulamisa ndhawu." Langutani leswaku yi lehise ku yini, khume ntlhanu wa madzana ya timayili hi matlhelo ya mune! Mi ri, yi le kwihi? U yile a ya hi lunghisela yona. Hi Yena Mutumbuluxi. U tumbuluxile hinkwaswo leswi nga swa nsuku. Switarata swo vonikela. Hi Yena Mutumbuluxi. U le ku endleni ka ndhawu. Eka Nhlabutelo 21, u teri, "Kutani mina Yohana ni vonile Doroba ro kwetsima, Yerusalema Lontshwa, ri xikaka kusuka eka Xikwembu ri huma eTilweni."

168 “A ku nga hari na lwandle; matilo yo sungula na misava yo sungula a swi hundzile.” Xana hi wahi matilo ya hina yo sungula xana? A ya ri Miliniyamu. Misava yo sungula yona hi yihi xana? A kuri yona yaleyi. Yi ta pfuxetiwa. Ntsena kukotisa loko yi tava yi khuvuriwile hi Nowa, emasikwini ya ku chumayela ka yena; yi kwetsimisiwa hi Krete, tani hiloko A yi xuvile hi Ngati ya Yena ehenhleri ka yona; kutani yi va leyi yi pfuxetiweke, ku susiwa switsongwa-tsongwana ni hinkwaswo eka yona, eka ku pfuxeta ka le makumu, hi nkhuwulo wa Ndzilo lowu wu nga ta dlaya xitsongwa-tsongwana xin’wana na xin’wana, vuvabyi byin’wana na byin’wana, mintungu yin’wana na yin’wana, thyaka hinkwaro leri ri nga tshama ri va kona emisaveni.

169 Yi ta buluka, yi tlhela yi humelela yi ri Misava Yintshwa. “Kutani ndzi vona Matilo lama Ntshwa na Misava leyi Ntshwa. Matilo yo sungula, misava leyi yo sungula, a yi hundzile; nakona a ku nga ha ri na lwandle. Kutani mina Yohana ndzi vona Doroba lero kwetsima, Yerusalema lo Ntshwa, a xikaka a huma eka Xikwembu lexi nga Matilweni.” Kwalahaya Xikwembu xi tava xi ri na vuyimelo bya Xona swa ntiyiso, majaha ni vanhwana, laha Xi nga tava ni xinakulobye na vona hi ku kwetsima, ni mahlo ya vona lawa ya nga tava ya pfalekile eka vudyoho byin’wana na byin’wana. A ku nge he pfuki ku vile na vudyoho kusuka kwalahaya kuya emahlweni.

170 A hi tikarhateni hi matimba; mi nga hambukisiwi eka siku leri, kambe, “hi ti karhetela ku nghena endzeni hi nyangwa.”

171 “Hinkwavo lava va nga ta kumeka va sele i vaoswi, vanaveri.” “Loyi a langutaka wansati hi ku n’wi navela u n’wi oswile.” Hinkwavo lava . . . lava nga ehangle va tava va ri vavasati lava nga duma hi vuvabyi, vavanuna lava nga duma hi vuvabyi, ni kuya emahlweni.

172 Kutani ku tava kuri lava nga kutsuriwa ntsena, nakona eka Buku ya Xinyimpfana ya Vutomi, hi vona va nga ta nghena enyangweni. Lava nga tikarhata, vanghana; mi nga hambukisiwi eka siku leri ro hetelela.

173 Lowu i nkarhi wa kahle. Un’wana na un’wana u na mali. Un’wana na un’wana a nga ha endla *leswi*, nakona un’wana na un’wana a nga ha endla *sweswo*, niku khuluka ka mali hi ndlela yin’wana na yin’wana, ni timovha letikulu, ni hinkwaswo. Ku tava kuri hava na un’we wa vona eka Doroba lero. Ku ta pfumaleka na movha na wun’we, na xihahampfhuka na xin’we. Ee. Kutava kuri nhluvuko lowu wu hambaneke eka hinkwaswo. Nakambe kutava kuri nhluvuko lowu nga riki wa vutivi, wu nga ri wa sayense, kambe wu ri lowo rhula, ni ripfumelo eka Xikwembu lexi hanyaka.

174 A hi ti karhateleni ku nghena eka Rona. Hikuva xexo hi xona xikongomelo xa mina hinkwaxo, i kuva hi nghena eka

Doroba lero siku rin'wana; loko ntsena mi languta endzhaku, mi ri karhi mi ta na mina, hi vona un'wana na un'wana wa n'wina a ri karhi a macha, loko hi yimbelela, "vakwetsimi loko va famba va nghena va ri karhi va macha." Ndzi lava kuva kona eka nambara ya leyo loko vakwetsimi va nghena va ri karhi va macha.

A hi khongeleni.

¹⁷⁵ Tatana wa le Matilweni la rhandzekaka, tani hilaha masiku ya pfalaka, kutani ha ma vona ya tshunela, xitshembhiso xa tshunela. Ha khongela, Xikwembu lexi Rhandzekaka, leswaku U ta swi ngenisa sweswo etimbilwini ta hina, leswaku hi nga endli xihoxo. Xikwembu lexi Rhandzekaka, hlayisa ripfalo ra hina leswaku ri va leri tengeke. Tshama u funengete timbilu ta hina, Hosi, mahlo ya hina a ya funengetiwi eka swilo swa misava, niku funengeta swilo swa misava, ku funengeta ka ku kwetsima kuva ka un'wana lonkulu.

¹⁷⁶ A swi na mhaka leswaku va kule ku fika kwihi, tihosi hinkwato, tindhuna, va matimba, ni hinkwavo va ta lovisiwa, nakona va ngaka va nga pfuki eka ku pfuka ra vu-...eka ku pfuka ro sungula. Hikuva swi tsariwile, "Ku kateka niku kwetsima a swi ve eka loyi a nga na xiave eka ku pfuka ro sungula, laha rifu ra vumbirhi ri nga riki na matimba." O Xikwembu! "Rifu ra vumbirhi," rifu ra ximoya, "a ri na matimba"; u kutsuriwile!

¹⁷⁷ O Xikwembu, hi ku ehleketa leswaku yin'wana ya tiawara leti, un'wana u ta endzela un'wana, kutani a vutliwa. "Vumbirhi emubedweni; ku ta tekiwa un'we, kutani ku sala un'we. Vumbirhi ensin'wini; Ndzi ta teka un'we, kutani ku sala un'we."

¹⁷⁸ O Xikwembu, hi pfuni leswaku hi—hi tenga emahlweni ya Wena, Hosi, a swi khatheleki leswaku vanhu va ehleketa yini ha hina, leswi vanhu van'wana va swivulaka. Hosi, pfumelela kukwetsima ka hina...ku vulavurisana ka hina kuva loku ku kwetsimaka. Ku endli kuva kuri eka nguva yin'we na Rito ra Xikwembu; kuva nguva ya kahle, Hosi, leswaku ku nga kumeki vuxisi eka hina. Loko ha ha kombela, eka swihoxo leswi swi nga swa hina, leswaku Ngati ya Yesu Kreste yi ta yima exikarhi ka hina na Xikwembu, leswaku U ta languta ehansi ehenhleni ka hina hi Ngati ya Yesu; ku ngari ehenhleni ka kululama loku ku nga ka hina, kumbe leswi hi nga xiswona, leswi hi swi endleke, kambe ehenhleni ka ku lulamela ka vuhosi lebyi byi nga bya Yena ntsena. Xikwembu, hi nyike swona!

¹⁷⁹ Ku ngavi na un'we wa lava va nga tshama lahawani madyambu lawa a nga twa Hungu, ku ngavi na un'we wa vona a lahlekaka, kusuka eka ndzumulo kuya fika eka munhu loyi a dyuhwaleke. I ngaku ku tsakela ka vona loku ko

kwetsima kuva ka Xikwembu ntsena na Rito ra Xona. A hi tivi nchumu hi awara leyi A nga ta humelela hi yona, kumbe eka awara leyi A nga ta hi rhamba kuya hlamula ehenhla halahaya eka ku Avanyisa. A hi yi tivi leswaku ku tava kuri awara yihi A nga ta vonakala, tani hilaha yi nga ha kona, a ta teka khadi ra hina a rhageni, a ku, "I nkarhi wo vuya ekaya. Mi fanele ku famba." Xikwembu, hi pfuni ku tshama hi tengile. Hi nyike swona, Hosi.

¹⁸⁰ I ngaku hi nga hanya kukondza ku fika ku Vuya ka Hosi, loko swi nga koteka. Leswaku hi nga ha endla hinkwaswo leswi nga ematimbeni ya hina, hi rirhandzu niku twisisa, ku twisisa ka leswaku Xikwembu xi le ku lavisiseni ka misava, namuntlha, ku lava nyimpfu yin'wana na yin'wana leyi yi nga lahleka. Kutani i ngaku hi nga vulavula na vona hi xikhongelo xa nguva ya rirhandzu ni Rito ra Xikwembu, leswaku hi nga ha kuma yaloye wo hetelela, leswaku hi ta ya eKaya, ni kuva hi huma eka Eden loyi wa khale wa Sathana, Hosi.

¹⁸¹ Ni hinkwaswo leswi swi nga endlwi ehenhleni ka ku navela, ni vavasati voxonga, tani hilaha swivitanisiwaka xisweswo emisaveni, ni vunavetisi bya vona lebyi byi nga lahaya, "Ha navetisa, nakona va lava vafana va ta na jamu eswikandzeni swa vona, ni vanhwanyana vo saseka lava nga ambala swo koma," lava kumekaka eka swiya ni moya swa hina na tithelevhixini; na muxaka hinkwawo wa thyaka na vubihi, na Hollywood; ni hinkwavo maendlelo ya vugangu, thyaka, swiambalo swa thyaka swa vavasati. Ni—ni vavanuna lava va encenyetaka va tekaka ni ma ambalelo ya vavasati, va kerha ni misisi ku kotisa vavasati; ni vavasati tani hi vavanuna.

¹⁸² O Xikwembu, i awara yo chavisa njhani leyi hi hanyaka eka yona! Oho, tana, Hosi Yesu, tana! Tana, Hosi! Hi basise hi Ngati. Susa hinkwaro thyaka ni vuxisi leswi nga ka hina. U nge hi hanya, Hosi, hi pfumeleli hi hanya ehansi ka Ngati, hi ku tshamiseka, emahlweni ka Wena. I ku tsakela ka timbilu ta hina, niku kombela ka hina loku ko tshembheka.

¹⁸³ Xikwembu lexi Rhandzekaka, ka ha andlariwile eka plati-... kumbe leri, desika, madyambu lawa, laha Evhangelini yi nga andlariwa kona. Hosi, hi leswi swidukwana ni swiphaselani leswi swi yaka eka vavabyi ni lava va karhatekaka. Pfumelela xikhongelo xa ripfumelo, Hosi, wela etimbilwini ta hina sweswi, emahlweni ka Wena. Kutani, Hosi, loko kuri ni leswi swi nga basangiki eka hina, Hosi, teka eka hina... hi teki u hi yisa eka ku avanyisa sweswi; nakona hi kombela tintswalo. Hi paluxeli leswi hi swi endlaka swo hoxeka, Hosi, swingaleswi hi nga ha kombela, ku teka Ngati yi hi basisa. Horisa vanhu lava va vabyaka kutani u va hanyisa, Tatana, hambi swi nga ya eka mani, hambi swi nga ya kwihi kumbe kwihi. U nge swiva tano, Tatana.

184 Hi nyike ku tiboha ka kuva hi tirhela Wena, kutani Wena ntsena. Hi nyike swona, Hosi.

185 Hi kombela ku hlaliseka eka vanhu va kahle lava va nga ndleleni ya kuya ekaya.

186 Ha Ku Khensa hilaha U horiseke vanhu. Kutani na xijahetani xa Sesi Shepherd na Buti Shepherd, xi nga vaviseka eka xikanyakanya, ndza khongela leswaku kungavi na swo biha swi taka eka sweswo; nakulorhi lontsongo a ti fambela hi xikanya-kanya, ndza khongela leswaku a hola. Ha Ku khensa hi kuva U horisa lavan'wana lava hi ngava kombelelela. "Nakona ha switiva leswaku leswi hi swi kombelaka, ha swi kuma, hikuva hi na ku tshembha eka Yena loyi a endleke xitshembhiso."

187 Hi nyike tintswalo ta Wena, Hosi, u tlhela u hi rivalela swidyoho swa hina, ha swikombela hi Vito ra Yesu Krete. Amen.

188 Ma N'wi rhandza xana? [Nhlengeletano yi ku, "Amen."—Muhleri.] Ma N'wi pfumela xana? ["Amen."] Mi karhele niku hlambisiwa timbilu hi mfumo wa Sathana xana? ["Amen."] Ma pfumela leswaku wu ta eka Miliniyamu, eka Miliniyamu wa Yena; wa Yena, eka Eden wa Yena? ["Amen."]

189 Mapfumela leswaku yi endliwile namuntlha? Langutani, hinkwaswo swi kongomisiwile eka vutlharhi. Hinkwaswo, swin'wana na swin'wana, swi fanele swi va leswi swi kambisisiweke hi sayense va nga se na swi pfumela.

190 Nakona mi ngaka mi nga swikoti ku kambisisa Xikwembu hi sayense. Mi fanele ku Xi amukela hi ripfumelo, "Hikwalaho loyi a taka eka Xikwembu u boheka ku pfumela leswaku hi Xona, niku vuyeriwa ka lava va tinyiketelaka ku Xi lava."

191 O Xikwembu, a ndzi lavi ku tiva nchumu handle ka Ngati ya Yesu Krete leyi yi ndzi hlantswaka eka vudyoho. A ndzi tivi nchumu handle ka Yesu Krete. Tani hilaha Paul a nga vula wa khale, swingaleswi na mina ndzi ri tano vusiku lebyi, "A ndzi tivi nchumu exikarhini xa n'wina, ntsena tirhelani Yesu Krete, Loyi a nga vambiwa."

192 Sweswo hi swona hinkwaswo ndzi swi tivaka ni nga mi byelaka. Leswaku, Bibe leyi, ndzi pfumela hi mbilu ya mina hinkwayo (loko a ndzi tiva mbilu ya mina), leswaku yi va Rito leri hetisekeke leri ri nga hungukiwangiki ra Xikwembu. Hikokwalaho ka Rona ndza hanya. Hikokwalaho ka Rona ndza yima. Kutani loko a ndzi ri na khume ra magidi ya vutomi, a ndzi ta tsakela ku byi nyika xiphemu xin'wana na xin'wana xa Rito leri, hikuva i Rito ra Yesu Krete. Nakona a ndzi na mhaka na kona leswaku va Ri xopela-xopela ku fika kwihi, i kufika kwihi laha sayense yi ringetaka ku Ri vula leswaku a ri tshembhekaka, ni kuya emahlweni. Eka mina, hi Rona nchumu

wu ri woxe emisaveni lowu ndzi nga wu tshembhaka, i Rito leri. I wa mina. Ndza N'wi rhandza. N'wina ke? [Nhlengeletano yiku, "Amen."—Muhleri.]

¹⁹³ Loko kuri ni vudyoho embilwini ya wena, loko kuri ni xihoxo embilwini ya wena, loko u ri na swin'wana, khongela sweswi kutani u kombela Xikwembu leswaku xi ku rivalela. Mi ni khongelela; na mina ndzi ta mi khongelela. Xikwembu a xi mi katekisi, i xikhongelo xa mina.

Ku kondza hi hlangana! Ku kondza hi
hlangana!

Xikwembu a xi ve na n'wina ku kondza hi
hlangana!

¹⁹⁴ Xana marhandzana xana? [Nhlengeletano yi ku, "Amen."—Muhleri.] Yohana u teri, "Vana lava ntsongo, rhandzanani." "Rhandzanani, hikuva rirhandzu ri funengeta swidyoho swo tala." Sweswi a hi tlhavulaneni mavoko.

Xikwembu a xi ve na n'wina ku kondza hi
hlangana!

Ku kondza hi hlangana! ku kondza hi
hlangana!

¹⁹⁵ Sweswi vanani ni vunene eka un'wana. Vanani ni vunene eka un'wana na un'wana. Khomanani kahle na makhelwani wa n'wina. Tihlayiseni mi ngavi na swivati ku kondza Yesu a vuya.

... milenge;

Ku kondza hi hlangana! ku kondza hi
hlangana!

Xikwembu a xi ve na n'wina ku kondza hi
hlangana nakambe!

¹⁹⁶ Ma N'wi rhandza xana? [Nhlengeletano yi ku, "Amen."—Muhleri.] Xexo i xikhongelo xa mina. Mi ndzi khongelela; na mina ndzi ta mi khongelela. Ndzi fanele ku tlhelela endzhaku eTucson sweswi. Nakona ndza—ndza khongela leswaku Xikwembu xi ta mi katekisa hinkwenu. Ndzi ya kwalahaya kusuka kona ndzi ya eCanada, kutani ndzi vuyela eColorado; hinkwako, hinkwako, hinkwako, wa vona. Ku kondza...?...

¹⁹⁷ Makwerhu Tony i kwalahaya, na nchumu lowukulu wu endlekile. Ehansi ka Vatican, eRhoma, va le ku vitaneni ka mpfuxelelo, nhlengeletano, mina leswaku ndzi ya kwalahaya ku ya khoma mpfuxelelo eRhoma, eRhoma. Ntsena u vuyile. Vanhu hinkwavo va hlengelanile. Vana arena leyikulu kwalahaya, yi tshama magidi na magidi, nakona va ndzi lava leswaku ndzi ya khoma mpfuxelelo. Va lava ku vona ku kwetsima ka Hosi eka ministri. A ndzi tivi. Ndzi fanele ndzi swi khongelela, ku vona leswi Hosi yi nga ta ndzi byela swona. Oho, mina! Tsundzukani, khongelani, hinkwerhu ka hina kun'we. Hi le ku tirheni...

Hi hlalerile kuvuya ka Muponisi wa hina la
 katekeke,
 Vonani, kutani mi languta matluka ya nkuwa
 sweswi ya va rihlaza;
 Evhangelì ya Mfumo wa Yena yi yile eka tiko
 rin'wana na rin'wana;
 Kutani hi le kusuhi na makumu, lawa ya nga
 ta vonaka.

¹⁹⁸ A hi swona xana? [Nhlengeletano yi ku,
 "Amen."—Muhleri.]

Kutani hi ku tsaka hi ta twarisa Hungu ra ku
 humelela ka Yena loku katekeke,
 Ku ngari khale U ta hi ku kwetsima, ku ta
 byela un'we ni hinkwavo;
 Kutani pfukani, n'wina vakwetsimi va Hosi,
 hikokwalaho ka yini mi khuzehela loko
 makumu ya ri kusuhi,
 A hi tilulamiseleni ku vitana kwaloko ko
 hetisela.

¹⁹⁹ U ta tlhelela evupela-dyambu a tlhela a vuya nakambe,
 eka rin'wana ra masiku lawa, ntsena tsundzukani. Hakunene u
 tava tano. Kutani sweswo hi swona. Ku fikela rini:

Teka Vito ra Yesu u famba na rona,
 N'wana wa maxangu niku hlupheka;
 Ri tava na ntsako niku mi nyika ku
 chaveleleka,
 Fambani na rona, hinkwako laha mi yaka
 kona.

Vito ro hlawuleke (Vito ro hlawuleka), O ri
 tsokombela njhani!
 Ku tshembha ka misava ni ntsako wa Tilo;
 Vito ro hlawuleka, O ri tsokombela njhani! (ri
 tsokombela njhani!)
 Ku tshembha ka misava na ntsako wa Tilo
 EVitweni ra Yesu ha losa,
 Hi wela emikondzweni ya Yena hi ku karhala,
 Hosi ya tihosi e Tilweni yi ta N'wi ambexa
 xidlodlo,
 Loko rendzo ra hina ri tava ri fikile
 emakumu.

Vito ro hlawuleka, O ri tsokombela njhani!
 Ku tshembha ka misava ni ntsako wa Tilo;
 Vito ro hlawuleka, O ri tsokombela njhani!
 Ku tshembha ka misava ni ntsako wa Tilo.

²⁰⁰ Sweswi, eka vhesè leyi yo hetelela, a hi ri yimbeleleni hi
 korhamisile timbilu ta hina sweswi.

Teka Vito ra Yesu u famba na rona,
 Tani hi xitlhangu eka xirimbana xin'wana na
 xin'wana;
 Kutani loko miringo yi mi rhendzela, (swilo
 leswi swa mfumo wa Sathana, wa vona, wa
 vona)
 Ntsena hefemula Vito ro kwetsima hi
 xikhongelo.

²⁰¹ Sweswo hi swona hinkwaswo; kutani fambelani ekule.
 Ra tirha. Ndzi ri ringetile. Ntsena pfumelani sweswi, hikuva
 ri ta tirha. Ntsena hefemulani Vito ra Yena lero kwetsima hi
 xikhongelo.

... Vito ra Yesu u famba na rona,
 Tani hi xitlhangu eka xirimbana xin'wana na
 xin'wana;
 Loko miringo yi mirhendzela, (Xana mi endla
 yini kwalaho?)
 Ntsena hefemulani Vito ro kwetsima hi
 xikhongelo. (Nturhu wu tata exikandzeni
 xa wena kwalaho.)
 Vito ro hlawuleka (Vito ro hlawuleka), O ri
 tsokombela njhani!
 Ku tshembha ka misava ni ntsako wa Tilo;
 Vito ro hlawuleka, O ri nandziha njhani!
 Ku tshembha ka misava ni ntsako wa Tilo.

²⁰² A hi korhamiseni tinhloko ta hina sweswi, loko ndza ha
 kombela Makwerhu Beeler endzhaku lahaya leswaku a ta
 haleno eka platifomo. [Makwerhu Branham a sungula ku hama
Teka Vito Ra Yesu U Famba Na Rona—Muhleri.]

Ntsena hefemulani Vito lero ro kwetsima hi
 xikhongelo.

²⁰³ Hi ntshuxi, Makwerhu Beeler. Hi ntshuxi hi xikhongelo.
 Vito ro hlawuleka
 Ku tshembha ka misava ni ntsako wa Tilo;
 Vito ro hlawuleka (Vito ro hlawuleka), O ri
 nandziha njhani!
 Ku tshembha ka misava ni ntsako wa Tilo.

²⁰⁴ Sweswi na tinhloko ta hina leti nga korhama, ni timbilu
 ta hina leti korhameke. Makwerhu Beeler, un'wana wa lava hi
 nga tolovelana lahawani, Makwerhu Estle Beeler, makwerhu
 wa Mukreste wa kahle, munhu wo tshembheka. Ni ya eku
 n'wi kombeleni loko a ta swikota ku ntshuxa vayingiseri,
 madyambu lawa, hi xikhongelo. Xikwembu a xi ku katekisi,
 Makwerhu Beeler.



EDEN WA SATHANA TSO65-0829
(Satan's Eden)

Hungu leri hi Makwerhu William Marrior Branham, ri sungurile ri hangalasiwa hi Xinghezi hi Sonto ni madyambu, Mawuwani 29, 1965, eBranham Tabernacle eJeffersonville, Indiana, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

TSONGA

©2014 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
P.O. Box 178, SOMERSET WEST, 7129 CAPE PROVINCE,
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Xitiviso Xa Mpfumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Krete. Buku leyi a yi xavisiwi, yi humesiwa hi xikalo lexikulu, yi vakeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org